

ՀՐԱՏՐԱՆՈՒԹՅԱՆ ԳՆՆՏՐԱՆՈՒՄԸ ԳՐԱԴԱՐԱՆՈՒԹՅԱՆ

Շ Ա Հ - Ի Ս Մ Ա Յ Ե Լ Ի

Հ Ե Ք Ե Ա Թ Ը

ՀԱՆԴԵՐՉ ԵՐԴԵՐՈՎ

ՓՈՒՍԱԳՐՈՒԹՅԱՆ ՏԱԿԵՐԵՆԻՑ

Աշխատասիրից
ԱՇԸԳ ԶԻԻԱՆԻՍ

ԵՐԿՐՈՐԿ ՑՊԱԳՐՈՒԹՅԱՆ

Ե Ի Ց Ե Լ Ի Ս

Տպարան Տ. Մ. Ռոստինսկոյի

1901

26h.

894.35+34

ՀՐԱՏԱՐԱՆԻԹԻՒՆ ԿՆՆՏՐՈՆԵԿԱՆ ԳՐԱՎՈՃԱՐՈՆՈՑԻ

Շ Ա Հ - Ի Ս Մ Ա Յ Ե Լ Ի

Հ Ե Ք Ե Ա Թ Ը

ՀԱՆԴԵՐՁ ԵՐԳԵՐՈՎ

ՓՈԽԱԳՐՈՒԹԻՒՆ ՏԱԿԵՐԵՆԻՑ

Աշխատասիրեց
ԱՇԸԳ ԶԻՆԱՆԻՆ

ԵՐԿՐՈՐԴ ՏՊԱԳՐՈՒԹԻՒՆ

Erwand Ter-Minassiantz
Lic. theol., Dr. phil

Թ Ի Ց Լ Ի Ս
Տպարան Տ. Մ. Ռոսինյանցի
1901

41481004-208

3 6 1 1 9 1 1

Дозволено цензурою, Тбились, 19 Апрель 1901 г.

81171008 1400000000

11-18006



11-18006 ակ

ՃԱՅ-ԻՍՄԱՅԵԼԻ ՀԵՔԵԱԹԸ.

Հին հեքեթաբանները հետևեալ կերպով են աւանդում Նահ-Իոմայէի և Գիւլիգոր խանութի պատմութիւնը:

Պարսկաստանի և Հնդկաստանի մէջ տեղում կայ մի երկիր որ ասուում է Աւղանիստան: Այս երկրի Ղանդաշար մայրաքաղաքում հին ժամանակներում նստում էր Աղուան թագաւորներից Աւլան անունով թագաւորը: Այս թագաւորի կայք ու կարողութիւնը, ոսկին ու արծաթը այնքան շատ էր որ, եթէ ծովը լցնելու լինէիր, կը ցամաքէր: Այս հարստութեան մէջ Աւլան թագաւորը դարձեալ երջանիկ չէր, որովհետև ոչ մի ժառանգ չուներ:

Մի որ թագաւորը կանուխ վեր կենալով՝ առաւօտեան սնդորական աղօթքը կատարելուց լետոյ՝ նստեց իւր փափուկ բազմոցի վերայ: Այդ միջոցին, երբ թագուհին հայելին ձեռն առած իւր թագաւոր ամուսնու զիմացը կանգնած էր, թագաւորը սրտից մի խոր ախ քաշեց և սկսեց գլուխը շարժել: Թագուհին այս բանը տեսնելով, ասաց. — «Ո՛հ, մեծափառ Տէր իմ, այդ քնչ է նշանակում, քնչ պակասութիւն ունինք, որ դու հոգս ես անում: Թագաւորը կրկին հագոց հանելով ասաց: — «Իրաւ է, որ մենք թէպէտ մի պակասութիւն չունինք, բայց ես այս աշխարհում մի գաւակ չունեցայ, որ մահիցս լետոյ կարողանար իմ գահը ժառանգել, ահա, այս բանն է, որ միտքս ընկած ժամանակ ախ եմ քաշում: Թագուհին նորից դառնալով իւր ամուսնուն ասաց. «Իրաւ է որ մարդս աշխարհում ցաւ է ունենում, բայց ցաւին էլ ղեղ է

գտնու՛մ: Մի օր քաղաքից դուրս ել, ճանապարհորդութիւն արա՛, կարելի է մի հմուտ բժիշկ հանդիպի և քո ցաւին կարողանայ ճար գտնելը: Թագաւորը այս մխիթարական խօսքերը լսելով, հրամայեց իսկոյն կանչել իւր վեզիրին, վեզիրը իւր տիրոջ հրամանը լսելուն պէս անմիջապէս շտապեց պալատ: Եօթն անգամ գետին խոնարհուելով համբուրեց հողը և բարև բռնելով կանգնեց թագաւորի առջև: Թագաւորն ասաց.— «գնա շուտով երկու ձեռք դերվիշի շորեր գնիր և արի պալատ»: վեզիրը առանց ժամանակ կորցնելու իջաւ փողոց երկու ձեռք շորերը վերցրեց և շտապեց պալատ: Թագաւորն ասաց վեզիրին:— Այսօր գնալու ենք ծպտեալ կիրպով քաղաքից դուրս ճանապարհորդելու. տեսնենք թէ շրջանի հայելին մեզ ինչ պատկեր ցոյց կուտայ: Սրանք ծպտեալ շորերով դուրս եկան պալատից և ընկան ճանապարհ: Երեք ժամ շարունակ մի կողմ գնալուց յետոյ քաղաքից դուրս մի աղբիւրի պատահեցին: Թագաւորն ասաց վեզիրին. — «արի այս աղբիւրի ջրով մեր ձեռքերը և երեսները լուանանք, աղօթենք և մի փոքր նախաճաշից յետոյ շարունակենք մեր ճանապարհը. լիչեալ աղբիւրից լուացուելուց և նախաճաշելուց յետոյ երկուսով ծնկների վերայ չոքած սովորական աղօթքը կատարած ժամանակ, յանկարծ մի դերվիշ ելաւ նրանց առաջ, բոլորովին ծերունի և սպիտակահէտ: Թագաւորը տեսնելով սրան ասաց — «ով դերվիշ, դու այս կողմերը ինչ ես ման գալիս»: Դերվիշը պատասխանեց. — «թագաւորն ապրած կենայ, մենք ճանապարհորդ ենք, շարունակ ման ենք գալիս այստեղերը»: Թագաւորը զարմանալով ասաց: «Իու ինչ գիտես իմ թագաւոր լինելս»: Դերվիշը պատասխանեց.— «ես ծերունի նուաաստ կեանքս ճանապարհորդութեան մէջ եմ անցկացրել և իմ գլխիցս հազար ու մի դէպքեր են անցել. քանի անգամ գտել ու կորցրել եմ: Քո թագաւոր լինելդ և ընկերիդ վեզիր լինելը եթէ չը գիտենամ ամօթ չէ՛ իմ դերվիշութեանս»: Այդ ժամանակ թագաւորն ասաց նրան— «ով

դերվիշ, դու որ իմ թագաւոր և ընկերիս վեզիր լինելը հասկացար, իմ ցաւիս դեղ էլ կարող ես անել»: դերվիշն ասաց թագաւորին— «ցաւ տուողը դեղ էլ կարող է տալ, ես մի նուաստ արարած եմ»: Այդ խօսքերի վերայ թագաւորն ասաց, ո՛հ, պատկառելի հայրիկ, այն բոստից, որ դու իմ աչքիս երևեցար, ես իմ սրտումս ուրախութիւն զգացի»: Դերվիշը իւր պարկից հանելով մի կարմիր խնձոր՝ ասաց.— «Այս խնձորը կ'տանիս տուն, երեկոյեան քնելու ժամանակը կ'կտրես, կէսը դու կուտես, կէսը թագուհին, իսկ կպէճները կտոք ձեր ախոռի մի մատակ ձիուն, որ երբէք չէ պտղել և սպիտակ նժուղն էլ բաց կըթողնէք. ինն ամիս ինն ժամ և ինն բույս լրանալուց յետոյ Աստուծով թագուհին մի արու գաւակ կըծնի և մատակ ձին էլ մի քուռակ. բայց մինչև իմ պալատ գալս անուն չէք դնիլ, ոչ տղային և ոչ քուռակին»: Այսպիսի խօսքերով թագաւորն և դերվիշը իրար հետ պայման արին: Թագաւորը ձեռքը գրպանը տարաւ կամենալով վարձատրել իւր բարերարին, բայց մին էլ տեսաւ, որ դերվիշը անյայտացել է:

Թագաւորն այլ ևս աւելորդ հաշուելով շարունակել իւր ճանապարհորդութիւնը իւր վեզիրի հետ՝ ուղղակի վերադարձաւ պալատ: Երեկոյեան երրորդ ժամու աղօթքը կատարելուց յետոյ, թագաւորը խնձորը կպճելով կէս արտւ, կէսը ինքը կերաւ, միւս կէսն էլ տուեց թագուհուն: Ախոռապետին կանչելով ասաց:— «Այս խնձորի կպէճները մեր մատակ ձիուն կտաս ուտելու և սպիտակ նժուղն էլ բաց կը թողնես»: Մի ժամից յետոյ թագաւորն ու թագուհին փափուկ պատրաստուած անկողնի մէջ ննջեցին:

Անցաւ որոշեալ ժամանակամիջոցը, ինն ամսից աւելի անցնելով ահա մի օր թագուհին ծնեց մի գեղեցիկ արու գաւակ: Մատակ ձին էլ մի արու քուռակ ընծայեց նորածին

գաՏաժաժաժաժին: Ասլան թագաւորի սւրախութեանը չափ չք կար, այդ օրուանից նա հրաման արձակեց բալոր իւր երկրի մէջ գտնուող բանդարկեալներին ազատել, խեղճերին սփռել, հիւանդներին խնամեց և այլն:

Թագաւորի որդին խնամուամ էր, ինչպէս պէտքն էր, մի տարի, երկու տարի, մինչև ութ տարեկան դարձաւ, ըսկսեց պալատի մէջ գտնուող վեզիրների երեխայոց հետ խաղալ: Տղայքը սրան սկսեցին «անանուն իշխան» կանչել: Մէկ օր թագաւորի որդին իւր անանուն լինելու համար զայրանալով, գնաց մօրն ասաց — «ինչու համար ինձ անուն չէք դրել»: Մայրն ասաց — «որդիս, թագաւոր հայրդ գիտէ, գնա նրա հետ խօսիլ: Իշխանը այդտեղից ուղղակի հօր մօտ գնաց և յայտնեց նրան իւր ցանկութիւնը: Թագաւորը պատասխանեց — «որդիս, քո գոյութեանդ պատճառը մի դերվիշ է, մինչև նա այստեղ չըգայ, ես չեմ կարող քեզ անուն դնել, որովհետև նրա ցանկութեան համեմատ խօսք եմ տուել: Այս խօսակցութեան ներկայ եղող իշխանները գլուխ տալով ասացին — «թագաւորն ապրած կենայ, այդ քո ասած դերվիշը, այսօր այստեղ է, վաղը ո՞վ գիտէ որտեղ կլինի. մէկ դերվիշի համար մեր իշխանը խո՞մ առանց անուն մնալու չէ և ո՞վ գիտէ թէ քանի ժամանակ յետոյ նա կըհասնի այստեղ»: Թագաւորը սրանց խօսքը յարգելով բռնեց որդու ձեռքը և ժողովի մէջ տեղ բերելով, բոլոր պալատականների հետ սկսեցին անուան համար մտածել: Բայց թագաւորն յանկարծ լիշելով իւր խոստումը ասաց. — «մինչև դերվիշը չգայ, ես չեմ կարող իշխանին անուն տալ»: Հրամայեց որ մի լաւ վարժապետ բերեն որդու կրթութեան համար, և յանձնեն նրան. հրամանը կատարուեց անմիջապէս. բերին մի լաւ վարժապետ և ներկայացրին թագաւորին:

Թագաւորն ասաց — «ով վարժապետ, ի՞մ որդին քեզ եմ յանձնում, որ կրթես և ուսում տաս»: Վարժապետը պատասխանեց: — «Ձերդ մեծութեան հրամանը անդառնալի է, սա-

կայն իշխանի համար, պալատից ոչ հեռու մի առանձին սենեակ պէտք է շինել տաք, առաստաղը և պատերը ամբողջապէս հաստ ապակուց, որոնցից արևը չկարողանայ ներս թափանցել իր յոյսը, այնտեղ իշխանը կարող է ամբողջապէս նուիրուել իւր դասերին, բալորովին հեռու մնալով իւր ընկերներից և խանգարող միջոցներից: Թագաւորը հրամայեց վարժապետի պատուէրին համեմատ մի առանձնացած տեղում մի սենեակ շինել տալ առաստաղը և պատերը ապակուց և ներսը գեղեցիկ զարդարուած: Կարճ ժամանակից գործը լմնցաւ և պատանի իշխանը յանձնուեց Գանիէլ վարժապետին մեծ հանդէսով երգերով ու աղօթքներով: Այդ օրից սկսած վարժապետն սկսեց իւր բարձր ոչակերտին դաստիարակել և դասեր տալը: Շարունակելով մի տարի, երկու տարի, մինչև տասն և հինգ տարեկան դառնալը դահաժաժանդ իշխանը մնաց այդտեղ և Գանիէլ վարժապետից բաւականին բան սովորեց:

Վարժապետը պատուիրել էր պալատի խոհարարներին իշխանին ճաշ բերելիս նայեն, որ մտեղէն կերակուրների մէջ ոսկոռ չլինի. մէկ օր դու մի ասիլ նորին բարձրութեանը կերակուր բերելիս խոհարարները անզգուշաբար մէջը մի ոսկոռ են թողել: Ճաշի ժամանակ իշխանը երբ կերակուրի մէջ սսկոռը տեսաւ, բարկութիւնից վերցրեց և խփեց պատին, ոսկոռը իւր մեծութեամբ պատը ծակելով դուրս ընկաւ, ճաշուայ պայծառ արևը յանկարծ այդ կտորուածքից ներս մտաւ: Ուսանող իշխանը արևի շողքը յատակի վրայ տեսնելով ճաշը թողեց և սկսեց արևի հետ խաղալ: Երկար ժամանակ արևի հետ մենամարտելով, սաստիկ յոգնեց և արիւն քրտնքի մէջ ընկղմելով նստաւ քիչ հանգստանալու, որ կրկին վեր կենայ և նոր ոյժով շարունակի իւր մենամարտը արևի հետ: Քիչ լետոյ վարժապետը ներս մտաւ, տեսաւ որ իւր սանիկը մենամարտում է արևի հետ, նրան այդ դրութեան մէջ տեսնելով Գանիէլ վարժապետը քիչ

մնաց խելքը գլխից թուցնէր: Բացականչելով ասաց— «Ձերդ բարձրութիւն, կուուելու համար ուրիշ բան չը գտար, որ արեւի հետ ես պատերազմում: Իշխանը կարծես ձանձրացած լինելով իւր երկար ժամանակի միայնակութեամբ ասաց իւր ուսուցչին.— «Վ սէր Աստուծոյ, վարժապետ, ինձ այստեղից դուրս հանիր»: Վարժապետը սենեակից դուրս գալով փողոցի դրան առաջ մի աթոռ դնելով իշխանին տարաւ դուրս և հրաւիրեց նստել: Պատանին երկար միջոց փակուած մնալուց լետոյ, երբ իրան ազատ օդի մէջ տեսաւ աչքերը այս ու այն կողմն ուղղելով նայում էր զարմացմամբ: Ահա մէկ էլ տեսաւ որ մի կտրի, սպիտակ ձիաւոր է դալիս, աջ ձեռքում բազէն բռնած և բարակները լետեւը գցած, նժույզ ձին խողացնելով ուրախ ու զուարթ վերագառնում է որսից: Արդեօք այս ինչ բան է, ինքն իրան մեծ զարմանքով ասում էր պատանին. երբ այդպէս ապշած դրուժեան մէջ աչքերը չէր հեռացնում գնացող ձիաւորից, վարժապետը մօտենալով ասաց, իշխանն ապրած կենայ, հրամայեցէք տուն վերադառնանք. պատանին պտասխանեց, շատ լաւ կգնանք, բայց ես էլ հօրիցս այգպիսի ձի, բազէ և բարակներ կուզեմ»: Վարժապետն ասաց. «Շատ լաւ, տէր իմ, հրամայեցէք դառնանք տուն, ես այդ մասին կը խօսիմ թագաւորի հետ. նրանք վերագարձան դարձեալ նոյն սենեակը: Թողնելով իշխանին այնտեղ Գանիէլ վարժապետը դուրս եկաւ այգտեղից և անմիջապէս բարձրացաւ պալատ: Ներկայանալով թագաւորին մանրամասնաբար պատմեց նրան նոյն օրուայ պատահած դէպքը: Թագաւորը հաւանութիւն տալով վարժապետի խօսքերին, հրամայեց վեցիրին պալատ կանչել իւր մեծամեծներին և իշխաններին: Երբ բոլոր հանդիսականները պալատումն էին թագաւորն ասաց— «Իմ օրդին այլ ևս չի ուզում կարգալ, բաւական է, ասում է, ինչ որ սովորեցի. այժմ նա որսի գնալ է ցանկանում, մտածեցէք, սորա հետ էլ իշխանին մի անուն դնենք». բոլոր մեծամեծներն

Թագաւորի խօսքը լսելուն պէս, միմեանց հետ խորհրդակցելով իշխանի անուան մասին էին մտածում, մէկ էլ լանկարձ դերվիշը ներս մտաւ. բոլոր ներկայ եղողները ոտքի կանգնեցին և խոնարհ կերպով բարևեցին: Գերվիշը մէջ տեղ կանգնած ասաց թագաւորին— «Քո օրդու անունը Շահ-Իսմայէլ թող լինի, իսկ քուռակի անունը Ղամար (լուսնիկ). այս անունները տալուց լետոյ անյայտացաւ: Թագաւորը դերվիշին պարզեւ տալու համար շատ որոնել տուեց. բայց չկարողացաւ գտնել նրան: Այնուհետև թագաւորը հրամայեց իրայիններին որ գնան տասն և հինգ-քսան իշխանազն երիտասարդներ բերեն պալատ Շահ-Իսմայէլի հետ որսի գնալու համար: Հրամանը կատարուեցաւ: Կարճ ժամանակում պալատ հաւաքուեցան քսանի չափ ընտիր և Շահ-Իսմայէլին յարմար երիտասարդներ: Սրանք այս գիշեր մեծ իշխանի հետ խորհուրդ կազմեցին և հետեւեալ առաւօտը մեծ շքով գինուած ու սարքուած Շահ-Իսմայէլին մէջ տեղ առած քաղաքից դուրս եկան որսի գնալու:

Ղանդահարից արդէն բաւականաչափ հեռացել էին: Շահ-Իսմայէլը իրան շատ ուրախ էր զգում խաւարից ու փակուած կեանքից ազատուած լինելով օրուայ, քաղցր եղանակը, ջինջ ու մաքուր երկինքը, ընդարձակ դաշտը իւր գանազան տեսակ հոտաւէտ ու գոյնզգոյն ծաղիկներով, առուակներով ու գետերով գրաւել էին նրա ուշքն ու միտքը և երջանիկ գրուժեան էին հասցրել: Գեղեցիկ անտառներում, հովիտներում ու լեռներում համարեա մի քսան օր ման գալուց լետոյ, մի օր բոլոր ընկերներով եկան մի սառն աղբիւրի մօտ: Շահ-Իսմայէլը իր չորս կողմը նայելով ընկերներին ասաց.— «Սիրելի եղբայրներ, յոյս Աստուած առաւօտը ես այդ դիմացի սարը կը բարձրանամ. դուք էլ մի ուրիշ կողմ գնացէք. այդպէս ասելով նրանք եկան դարձեալ իրանց իջևանը: Երեկոյեան ընթրելուց լետոյ քնեցին և առաւօ-

տեան վեր կենալով եկան նախընթաց օրուայ խօսակցութեան տեղը՝ աղբիւրի մօտ:

Շահ-Իսմայէլը այդ գիշեր սիրոյ աստուածուհի Աստղիկի ձեռամբ մի բաժակ էր ընդունել: Սրանք խորհուրդ արին, որ ով էլ սր կողմ գնալու լինի, կրկին վերագառնան գան հաւաքուին նոյն սառն աղբիւրի մօտ: Յիշեալ պայմանից յետոյ նրանցից իւրաքանչիւրը ցրուեց մի կողմ: Շահ-Իսմայէլն էլ իւր ձին հեծնելով սկսեց ասպանդակել և բարձրանալ դիմացի սարի գլուխը: Երբ արդէն բարձրացել էր սարի գագաթը, միւս ստորոտում, կանաչաւէտ հովտում նրա աչքին ընկաւ մի ամարանոց հազարաւոր վրաններով, որի մօտից անցնող մի մեծ գետի ափի վերայ արածում էր մի եղնիկ: Շահ-Իսմայէլը իսկոյն իւր բարակը բաց թողեց, եղնիկը իւր բոլոր ուժով փախչելով մտաւ մի գեղեցիկ կանաչ վրանի մէջ: Շահ-Իսմայէլը իւր ձին քշած ժամանակ տեսաւ, որ մի գեղեցիկ աղջիկ այդ վրանից դուրս եկաւ, աղջիկը նոյնպէս իւր աչքերը ուղղելով այն կողմ տեսաւ որ մի գեղեցիկ երիտասարդ նժուգ ձիու վրայ նստած վրանի դրանը կանգնած է: Շահ-Իսմայէլի պատկերը տեսնելով՝ աղջիկն իսկոյն սիրահարուեց. սա էլ աղջկայ հրաշալի դէմքն ու աննման գեղեցկութիւնը տեսնելով, ուշաթափուեց և ձիու վրայից գլորուեց գետին: Այդ վրանից քիչ վերև մի պտուաւ կար, աղջիկը դիմելով նրան ասաց. — «Սիրելի մայրիկ, մեր վրանի առաջ մի գեղեցիկ երիտասարդ գալով ուշաթափուեց վայր ընկաւ. աղաչում եմ, մայրիկ, արի ինձ օգնիր, այդ աղային ուշքի բերելով նստեցնենք ձիու վրայ և ճանապարհ ձգենք իւր գործին, թէ չէ հիմայ հայրս, մայրս, եղբայրներս տեսնելով այս բանը, մեղքը ինձ վրայ կը բարդեն»: Թէև աղջիկը պառաւին այս խօսքերը ասում էր, բայց իր հանդերձները սիրոյ կրակից արդէն բռնկուել էին, որովհետև անցեալ գիշերը երազում տեսել էր այդ երիտասարդի պատկերը: Աղջիկը բոլորովին չէր ուզում իւր աչքերը Շահ-Իսմա-

յէլի երեսից հեռացնել: Այդ ժամանակ պառաւը տեսնելով, որ աղջիկը շարունակ աղայի վրայ է նայում, դառնալով ասաց. «չուտով գնա ոսկէ թասով սառը ջուր բեր և շաղտալով նրա երեսին՝ քո ձեռքերով շփիր երիտասարդի դէմքը, անկարելի է որ երբ քո գեղեցիկ ձեռքերը շփուեց նա ուշքի չգայ: Մատաղահաս աղջիկը չգիտեցաւ, թէ ինչպէս շուտով կատարեց պառաւի բոլոր հրամանը, երբ տեսաւ որ անծանօթ երիտասարդը հետզհետէ ուշքի գալով՝ (նստեց) վեր կացաւ տեղից: Ինչպէս որ Փղշտացի զինուորը Եղիսէի մարմնին հպուելով կենդանացաւ, այնպէս էլ մանկամարդ օրիորդի ձեռքի շփումը աղջեց Շահ-Իսմայէլի վրայ: Իշխանը խելքը գլուխը հաւաքելով սկսեց ապուշի պէս իւր չորս կողմը նայել: Շահ-Իսմայէլի ճանապարհորդական փառքիկ սազը ուսից վեր առնելով՝ տեսնենք ինչ է երգում, և աղջիկը նրան ինչ է պատասխանում:

Շ Ա Ղ - Ի Ս Մ Ա Յ Է Լ Ը

Եղնիկը տեսնելն էր միակ իմ ցաւս,
Յանկարծ տեսայ քո երեսիդ փայլակը,
Սիրոյ ծովի մէջ ընկաւ իմ նաւս,
Սրտումս կ'վառի անշէջ կրակը:

Գ Ի Ի Լ Ի Ջ Ա Ր Ը

Շատ որսորդներ պտոյտ կգան այս սարում,
Դու բազէն կաքաւին վեր վարէ գնա՛,
Ինչո՞ւ ես ման գալիս մ'թին խաւարում,
Աչքերդ բաց, լսին յարմարի գնա՛:

Շ Ա Ղ - Ի Ս Մ Ա Յ Է Լ Ը

Նմանդ չի ճարուիլ ունքերդ աղեղնակ,
Սպանում են ինձի, չեն տալ ժամանակ,

Փայլում է երեսդ ինչպէս արեգակ,
ձակատիդ վրայ է նստել լուսնեակը:

Գ Ի Ի Լ Ի Զ Ա Ր Ը

Սոխակի նման է քս լեզուդ ճարտար,
Խօսքեր ունիս փափուկ սրտիս օգտակար,
Ծոցիս վարդերը բացուել են քեզ համար,
Քաղելու մէկ միջոց հնարէ գնահ:

Շ Ա Հ - Ի Ս Մ Ա Յ Է Լ Ը

Քու կարմիր թշերդ խնձոր երկնային,
Երբ նայում եմ կեանք են տալիս ինձ կրկին,
Պենսատու դրախտ է քու ծոցիդ այգին,
Բուրում են քաղցր անուշ վարդը, մեխակը:

Գ Ի Ի Լ Ի Զ Ա Ր Ը

Ապրի քեզի նման երիտասարդը,
Ո՛հ, իմ սրտի սիրած քաջ տղամարդը,
Թէ ուզում ես քաղել պարտիզի վարդը,
Պարտիզպանի իղձը կատարէ գնահ:

Շ Ա Հ - Ի Ս Մ Ա Յ Է Լ Ը

Դու ես ով ոսկի վարդ մտքիս հայլին,
Սիրտ կը խոցէ թերթիչներդ զմելին,
Թէ որ տէրը օգնէ Շահ-Իսմայէլին,
Մէկ օր կը կատարէ սրտի փափագը:

Գ Ի Ի Լ Ի Զ Ա Ր Ը

Դու ես քաջերի գլուխը, կատարը,
Երբէք չի խանգարուի աղեղիդ լարը,
Գլխիդ մատաղ լինի այս Գիւլիգարը,
Ոտքերդ մի կտրիլ արի ու գնահ:

Երգեցողութիւնը վերջացնելուց լետոյ Շահ-Իսմայէլը իւր
մատից հանելով ագամանդից թանկագին մատանին, նուիրեց
Գիւլիգարին ի նշան սիրոյ. աղջիկն էլ փոխադարձ նուիրեց
իւր մարգարտագարդ գեղեցիկ սանդրը: Շահ-Իսմայէլը նստաւ
իւր ձիու վրայ և աղջկայ դիմաց կանգնած իրանց բաժան-
ման առթիւ այս տողերը երգեցին:

Շ Ա Հ - Ի Ս Մ Ա Յ Է Լ Ը

Տրտում, տխուր նայող, սիրուն
Դժուար է շատ բաժանուելը,
Մարդու սրտին, մարդու հոգուն,
Ազդում է վատ բաժանուելը:

Գ Ի Ի Լ Ի Զ Ա Ր Ը

Չէի գիտել ես քեզ առաջ,
Գնահ ո՞վ քաջ, ես քու կը եմ,
Լեր միամիտ, ագնիւ իմ քաջ,
Գնահ, ո՞վ քաջ, ես քու կը եմ:

Շ Ա Հ - Ի Ս Մ Ա Յ Է Լ Ը

Իմ աւանդս դու սուրբ պահէ,
Սիրահարիդ սիրտը շահէ,
Մարդու համար երկրորդ մահ է
Սիրուց հաստատ բաժանուելը:

Գ Ի Ի Լ Ի Զ Ա Ր Ը

Միայն ողջ լինի քու կեանքը,
Պէտք չէ աշխարհի ապրանքը,
Թող կատարուի քո բաղձանքը,
Գնահ կտրիչ, ես քու կը եմ:

ՇԱՀ-ԻՍՄԱՅԵԼԸ

Շահ-Իսմայէլն եմ ես ահա,
Սիրուն անունըդ ինձ ասա,
Սիրահարին վնաս կուտայ,
Խեղճ, յուսահատ բաժանուելը:

Գ Ի Ի Լ Ի Ջ Ա Ր Ը

Գիւլիզարն եմ, դու ընկերս,
Մտքիդ մէջ պահիր պատկերս,
Ճշմարիտ սուրբ են խօսքերս,
Գնահ, ո՛վ քաջ, ես քուկդ եմ:

Երբ սրանք երգում էին, մեզ ծանօթ պառաւը մօտ գալով, ասաց Շահ-Իսմայէլին—«աչքի լոյս, այսպիսի բան չի լինի. գուք ջայլամ թուչունի պէս իրար էք խառնուել, արքիք ձեզ մի խրատ տամ, այնպէս վարուեցէք: Վաղը ազգկայ հայրը արօտատեղ խնդրելու համար թագաւոր հօրդ մօտ պիտի գայ, դու էլ այնտեղ պատրաստ գտնուիր այս ամենը յայտնելու նրան. քո հայրդ էլ ուղղակի ազգկայ հօրը կը յայտնի այդ բանը և գործը յաջող կերպարանք կօտանայ և Գիւլիզարը կը յանձնուի քեզ: Շահ-Իսմայէլը շտապով թռաւ ձիու վրայ և պառաւ կնոջ պատուէրի համաձայն որպէս գրաւական Գիւլիզարի երկու այտերից համբուրելով և պառաւին էլ մնաս բարև ու շնորհակալութիւն ասելով, դարձեալ նստելով ձիու վրայ ընկաւ ճանապարհ:»

Այդ անսպասելի դէպքի տպաւորութեան տակ ուրախ ուրախ ձին քշեց և բարձրացաւ սարը շուտով որոշեալ տեղը հասնելու, երբ արդէն բաւականին մօտեցել էր ընկերներին, տեսաւ որ նրանցից ամեն մէկը իր արած որսերը ձեռքում բռնած սպասում էին իւր վերադարձին: Երբ իշխանը բոլորովին մօտեցաւ և բարև տուեց, նրանք զարմացան, երբ տեսան որ Շահ-Իսմայէլի ձեռքը ոչ մի որս չէ երևում:

«Իշխան, միթէ այսքան երկար ժամանակ մի բան էլ չը յաջողուեց ձեզ որսալ. Շահ-Իսմայէլն որպէս պատասխան այս երդն ասաց:

Իբրև պատերազմի զինուոր,
Տեսէք, ինչ բանից հեռացայ.
Պայման արի օրինաւոր,
Մեղրաբերանից հեռացայ:

Ես մի կործիքի մէջ ընկայ,
Խանութ բացի ապրանք առայ,
Ես էլ չգիտեմ ուր հասայ,
Բեհեգարանից հեռացայ:

Ուրախացայ և խնդացի,
Աշխարհում սէր կայ զգացի,
Մի գիշեր էլ հեռը մնացի.
Այսօր նրանից հեռացայ:

Ինքը բարձր նոճահասակ,
Յաւերթահարսն էր կամ հրեշտակ,
Շահ-Իսմայէլն իբրև տատրակ,
Ես վարդարանից հեռացայ:

Շահ-Իսմայէլը երգն սուարտելուց յետոյ բոլորը միասին ձիերը հեծնելով ու խաղացնելով ողջ ու առողջ դարձան քաղաք. զիշերը անցկացնելով հետևեալ առաւօտը ընկերները հաւաքուեցին Շահ-Իսմայէլի մօտ հարցրին—«Իշխան, այսօր էլ չե՞ս հրամայում գնալ, կամ որ կողմ ենք գնալու. Շահ-Իսմայէլը սրանց հարցին պատասխանեց—«Եղբարք, ես այսուհետև այստեղից ոչ մի կողմ գնալու չեմ և իմ գաղտնիքս բացի Աստուծուց ոչ ոք չէ կարող իմանալ: Որսի գնացող ընկերները ցրուեցին ամենը իրան գործին, Շահ-Իսմայէլը մնաց պալատում և համարեա զուրս չէր գալիս իւր

սենեակից, նա սկսեց օրօտօրէ թառամել և նիհարանալ ծնողները կարծում էին թէ իրանց միաճիւ գաւակը մի մեծ պատահարի կամ ցաւի է հանդիպել, որովհետև առաջուայ ուրախութիւն և կայտառութիւնը չէին տեսնում նրա վրայ: Ամուսինները խորհուրդ արին մի հմուտ բժշկի յանձնել Շահ-Իսմայէլին որ գուցէ կարողանար մի ճար անել: Շահ-Իսմայէլի մօտ ընկերներից մինը գործից տեղեկանալով, մտաւ պալատ և ներկայանալով թագաւորին և թագուհուն ասաց—«Ձեր բարձրապատիւ որդին Շահ-Իսմայէլը բժշկի վերաբերեալ ոչ մի ցաւ չունի. իսկապէս նրա ցաւը սիրահարութիւնն է. թագաւորը հրամայեց իւր մարդկանց.— «գնացէք իմ որդու ցանկութիւնն իմացէք. ում աղջիկն որ կուզէ իսկոյն առնիմ տամ իրան»: Սրանք գալով Շահ-Իսմայէլի սենեակը՝ հօր հրամանը յայտնեցին նրան. նա տասց, «ով բարեկամներ, լաւ լսեցէք, որ ես այս երկրում ոչ մի աղջկայ վրայ սիրահարուած չեմ, դուք իմ հօր հարցին այդպէս կը պատասխանէք»:

Շահ-Իսմայէլը հետզհետէ մտածելով հացից և ջրից անգամ սկսեց կտրուելի, հայրը այս մասին լսելով ինքն իրան ասում էր, այս քնչ է նշանակում:—«Ես երկրի տէրը, իշխողը լինիմ, իմ միակ որդին այսպէս կարօտութեան մէջ մաշուի» և չկարողանալով իրան զսպել սկսեց տխրել և լաց լինել: Մի օր Շահ-Իսմայէլի նոյն ընկերը դարձեալ ներկայանալով թագաւորին ասաց—«Մեծափառ Տէր, իշխանի հետ մեր որսի գնացած ժամանակը Սև լեռան ներքևից մի ճանապարհ բռնելով և մեզանից ոչ մէկին հետը չվերցնելով նա բաւական հեռացաւ և երբ վերադարձանք քաղաք՝ մենք հետևեալ օրը նրան ասացինք թէ իշխան, այսօր որ կողմն ես հրամայում գնալ. նա ասաց թէ այսուհետև այլ ևս ոչ մի կողմ չենք գնալու և այս էլ աւելացրեց, թէ «իմ գաղտնիքս միայն Աստուած գիտէ», ես էլ այս հանգամանքը քեզ յայտնելու համար վստահացայ տյստեղ գալու, գուցէ

11-18006 ատ

իմ սիրելի իշխանի ցաւին մի դարման կարողանաք տալ: Երբ որ այս բաները լսեց թագաւորը, իսկոյն մի սուրհանգակ ուղարկեց որ գնայ տեսնի թէ Սև սարի յետևում ինչէր կան և իրեն տեղեկութիւն բերի: Սուրհանգակը հասնելով որոշեալ տեղը, տեսաւ որ բազմաթիւ վրաններ կան խփած, տեղեկացաւ նրանց մասին և ուղղակի վերադարձաւ պալատ թագաւորին ասաց.—«Տէր իմ, Սև սարի յետևը անթիւ կապոյտ վրաններ կան խփած, ուրեմն իշխանը Իւրուք բէկի աղջկայ վրայ սիրահարուած կըլինի: Սուրհանգակը դեռ խօսքերը չէր վերջացրել, երբ Իւրուք բէկի առաջաւորը ներկայանալով թագաւորին իմաց տուեց իւր տիրոջ գալուստը: Թագաւորը այս մտորուն հարցրեց, թէ Իւրուք բէկը հասած աղջիկ ունի: Բէկի մարդը պատասխանեց—«այո՛, Տէր իմ, բէկը Գիւլիգար անունով մի աղջիկ ունի: Թագաւորը հրամայեց Իւրուք բէկի և նրա մարդկանց համար մի կանոնաւոր իջևան պատրաստեն: Երեք օրից յետոյ Իւրուք բէկը պալատում ճաշի հրաւիրուեց: Ասլան թագաւորը փառաւոր ճաշ տուեց բէկին իւր բոլոր մարդկանցով. ճաշից յետոյ Արաբիայի մէկ մէկ սուրճ խմելուց և գլանակները ծխելուց յետոյ, թագաւորը խօսք բաց անելով ասաց—«բէկ, դու մի աղջիկ ունիս Աստուած կամքով, մարգարէների և մեր սուրբ հայրերի օրէնքով նրան իմ որդի Շահ-Իսմայէլին կուզեմ: Իսկոյն բէկը պատասխանեց—«Տէր իմ, գլխուս վերայ, ես իմ աղջիկը չեմ խնայիլ իմ թագաւորից, Աստուած շնորհաւոր անէ»: խմիչքները նորոգուեցին: Մէկը միւսից շնորհակալ լինելով դատարկեցին բաժակները: Նոյն միջոցին մարդ գնաց Շահ-Իսմայէլի մօտ և ասաց—«աչբդ լոյս, թագաւորը քեզ նշանեց Գիւլիգարի հետ. գործի եղելութիւնը մանրամասնաբար իմանալուց յետոյ Շահ-Իսմայէլը չափազանց ուրախացած իւր զեղեցիկ փոքրիկ արծաթապատ սազը ձեռքը առնելով տեսնեք ինչ է երգում»:



Այսօր շատերն ուրախացան, բերկրեցան,
Ափսոս որ հեռու է իմ աղաւնեակը,
Բոլոր մարդիկ նրա անունը կուտան,
Շատ քաղցրալեզու է իմ աղաւնեակը:

Չափազանց ուրախ է այսօր իմ հոգին,
Բազկիս զարկերակը խփում է ուժգին.

Չմեռած երեսը տեսնէի կրկին,

Կեանք է, կենսատու է իմ աղաւնեակը:

Ինքը իշխանուհի և պայազատ է,
Իւր ցեղի մէջ մէկ է, անհամեմատ է,
Տարին քիչ է թէպէտ, բայց խելքը շատ է,
Սաստիկ մտառու է իմ աղաւնեակը:

Ոսկեթել կերպարից հագնում է կապալ,
Նոր ծնած լուսին է տասնուհինգ-օրեայ,
Սարերում, ձորերում, ման է գալիս նա,
Սիրուն, եղջերու է իմ աղաւնեակը:

Այս երգը երգելուց լետոյ Շահ-Իսմայէլը լուեց: Այն պա-
ռաւը, որ Իւրուք բէկի ամարանոցում Շահ-Իսմայէլի և Գիւ-
լիզարի մօտ միջնորդի գեր էր կատարում, բէկի լետեից ե-
կել էր Ղանդաշար քաղաքը: Երբ լսեց, որ բէկը իւր աղ-
ջիկը տուել է Շահ-Իսմայէլին, ուրախութիւնից նոր կեանք
ստացաւ, սկսեց արագ արագ վազել զէպի ամարանոց: Երբ
հասաւ բէկի վրանին, քրտնած հեւալով ներս ընկաւ ուղղա-
կի Գիւլիզարի մօր մօտ կանգնեցաւ: Ուրախութեան պատ-
ճառն այս էր, որ պառաւը մեծ ընծայ էր սպա-
սում բէկի կնոջից, վերջինս, երբ պառաւին շնչասպառ և
կարմրած զրութեան մէջ տեսաւ, ասաց նրան—«Բնչ է պա-
տահել քեզ», պառաւը պատասխանեց—«աչքերդ լոյս խա-
թուն, բէկը Գիւլիզարին նշանեց. —Տիկնոջ հարցին, թէ ո՞ւմ
հետ նշանեց, պառաւը պատասխանեց. «Ասլան թագաւորի

Շահ-Իսմայէլի հետ»: Տիկնը այս խօսքերը որ պառաւի բե-
րանից լսեց սաստիկ զայրանալով ասաց — «Ես իմ աղջիկս թա-
գաւորի որդուն չեմ տալ, բէկը քնչ իրաւունքով առանց իմ
կամքիս աղջիկ է նշանում. ես բոլորովին յօժար չեմ այդ
բանին»: Այս ասելով կանչեց իւր ժողովրդի մեծամեծներին
և հրամայեց ժողովրդին յայտարարել, որ իսկոյն վրանները
քանդեն և պատրաստուին ճանապարհ ընկնելու զէպի Հնդ-
կաստան: Սրանք թող պատրաստուին և շարունակեն իրանց
ճանապարհը, մենք ընթերցողին տանենք բէկի մօտ: Սա
թագաւորից քառասուն օր ժամանակ խնդրեց, որ իւր աղջ-
կայ օժիտի բոլոր պակասութիւնները լրացնէ այդ ժամանա-
կամիջոցում. թագաւորը կատարեց բէկի խնդիրը և քառա-
սուն օր ժամանակ տալով ճանապարհ ձգեց:

Իւրուք բէկը ուրախ սրտով թողնելով Ղանդաշարը, շտա-
պեց իւր ամարանոցը: Երբ բարձրացաւ Սև սարի գլուխը՝
մեծ զարմանքով տեսաւ, որ իւր բանակի տեղը այժմ ամա-
լի է և հողմեր են փչում և ուրուականները պար են գալիս,
ոչ ոք չէր մնացել այնտեղ բացի մի հին վրանից, որի մէջ
բէկը պատահեց մի երկու մարդու, որոնցից իմանալով իւր
մարդկանց Հնդկաստան գնալը, ինքն էլ շտապեց հասնել նրանց:

Թագաւորի պալատում էլ պատրաստութիւն էին տես-
նում Շահ-Իսմայէլի համար, որ շատ ծանր էր քառասուն
օրուայ անցկացնելը, ասաց ընկերներին — «եղբայրներ, ես
չեմ կարող այդքան սպասել, ես կը քնեմ և մինչև քառա-
սուն օր չը լրանայ, ոչ ոք չը վստահանայ ինձ վերկացնել»,
այս ասելով իսկապէս պարկեց քնելու:

Թագաւորն, ինչպէս ասացինք, եռանդով հարսանեաց
պատրաստութիւնը տեսնում էր, բայց երբ քառասուն օրը
մօտեցաւ և Իւրուք բէկի վրանից ոչ մի գալող գնացող չը
տեսաւ, կասկածի տակ ընկնելով հրամայեց իսկոյն մի սուր-
հանդակ ուղարկել այնտեղ մի յուր բերելու: Սուրհանդակը վերա-
դառնալով այս խօսքերը, ասաց թագաւորին — «Տէր իմ, բացի

այնտեղ մարդ չըլինելը, բէկի վրանների տեղ դեռ մի թզաչափ խոտ է բուսելը: Թագաւորը շատ տխրեց. այս լուրը Շահ-Իսմայէլի ականջը հասնելով, նա սաւտիկ յուսահատ դրութեան մէջ ընկած լալագին գէմքով եկաւ հօր մօտ և սկսեց այս խօսքերը ասել: —

Ահա լրանում է պայմանը, ժամը,
Կարմիր ոսկէ-վարդս քնչ եղաւ, չեկաւ,
Իմ հոգուս հրճուանքը, իմ քմքիս համը,
Ոսկէտերև վարդս, քնչ եղաւ չեկաւ:

Ինքը իշխանուհի, ժողովուրդը շատ,
Զայնը աղբիւրի պէս քաղցր և առատ.
Իրախտի մէջ ծլոյլ բոյս է անարատ,
Ոսկէտերև վարդս քնչ եղաւ, չեկաւ:

Հագած հանդերձները կերպ կերպ զանազան,
Պիտի գովէ ինձ պէս՝ բվ տեսնի նրան,
Հասակը վայելուչ, դէմքը դուրեկան,
Ոսկէտերև վարդս քնչ եղաւ չեկաւ:

Իմ մտքիս աշխարհը անապատ դարձաւ,
Կեանքիս արեգակը ամպի մէջ մտաւ,
Փշերը պատեցին, թէ ագռաւն առաւ,
Ոսկէտերև վարդս քնչ եղաւ, չեկաւ:

Երգը վերջացնելուն պէս թագաւորը հրամայեց վեզիրին կանչել, երբ վեզիրը ներկայացաւ իւր պետին, թագաւորը գործի հանգամանքը հիմնովին ծանօթացրեց նորան: Սուրհանդակի բերած լուրն էլ հաղորդելով, վեզիրից մի օգնութիւն էր սպասում: Վեզիրը դառնալով, թագաւորին ասաց— «Տէր իմ, ես մի առաջարկութիւն ունիմ, եթէ կ'հրամայես, խօսիմ».— «խօսիր տեսնեմ, Աստուած վերջերս բարեւանէ».— «Տէր Արքայ, ասաց վեզիրը, այսօր և եթ մունետիկ

քցել կտանք քաղաքում, թէ թագաւորի որդին պիտի ամուսնանայ և ամբողջ Ղանդահարում ինչքան որ աղջիկներ կան հագուին, պատրաստուին և պալատի ճաղիաւէտ մեծ այգում հաւաքուին»: Թագաւորը հաւանութիւն տալով վեզիրի խօսքերին «շատ լաւ կլինի» ասաց: Իսկոյն մունետիկները այդ բանը տարածեցին ամբողջ քաղաքում և բարձրագոյն հրամանը յայտնեցին հպատակներին: Իրաւ որ այդ ժամանակ աղջիկների հոգս քաշելը տեսնելու համար, մարդ պէտք է Ղանդահարում գտնուէր. ամեն աղջիկ Շահ-Իսմայէլին դուր գալու համար մէկը միւսից աւելի սկսեց գուգուել ու զարդարուել: Հարուստը արդէն ոչինչ չէր խնայում իւր աղջկան զարդարելու համար, բռնի որ շատ էր գանձը: Իսկ ով էլ որ հարստութիւն չունէր, տան մէջ գտնուած իրերն էր ծախում ու աղջկան շորեր ու զարդ, զարդարանք անում, որ գուցէ թագաւորի որդին իրանց աղջկան հաւնի: Ահա մի ուրբաթ օր քաղաքի բոլոր աղջիկները վերին աստիճանի գուքս ու զարդարանքով պճնուած, հաւաքուեցին ճաղիաւէտ այգում: Մէկ էլ Շահ-Իսմայէլը լիջեալ պարտէզը գալով, բարձրանալով պատշգամբը նստեց. այդտեղից սկսեց գէպի պարտէզը նայել, տեսնելով որ ամբողջ Ղանդահարի մէջ ինչքան որ գեղեցիկ աղջիկներ կան, եկել հաւաքուել են պարտէզը և ձեմելով ուրախանում են: Իսկոյն սազը ձեռքն առնելով սկսեց աղջիկների համար այս երգն ասել:

Սիրունները խմբուել են պարտիզում,
Ոչ մէկն էլ Գիւլիզարին նման չեն,
Սրտի սիրածն է գեղեցիկ աշխարհում,
Ոչ մէկն էլ իմ սիրելուն նման չեն:

Որի հանդերձները կարմիր գեղեցիկ,
Որը փունջ է կապում քաղելով ճաղիկ,

Որը նախարարի, զենպետի աղջիկ,
Ոչ մէկն էլ իմ սիրելուս նման չեն:

Որն էլ հագել է ոսկէհուռ հալաւ,
Որն էլ գեղեցկութեան մէջն ունի համբաւ,
Որն էլ ցայտում է գերթ սիրուն կաքաւ,
Ոչ մէկն էլ իմ նազելուս նման չեն:

Որը կապոյտ է հագած, որը ծիրանի,
Որն էլ հաստատ գովելու է արժանի,
Որն էլ ծոցում նուներ ունի գովանի,
Ոչ մէկն էլ իմ սիրելուս նման չեն:

Շահ-Իսմայէլն այսօր իւրը չտեսաւ,
Բոլոր աղջիկներին հրաժեշտ տուաւ,
Ծաղկաւէտ պարտիզում գղրդիւն ընկաւ,
Ոչ մէկն էլ իմ սիրելուս նման չեն:

Երգը վերջացնելուց լետոյ Շահ-Իսմայէլը պատշգամբից հեռացաւ իւր սենեակը: Հայրը կանչելով նրան ասաց—«զաւակս, մէկ Իւրուք բէկի աղջկայ համար ինչու ես այդպէս տխրում. դու լաւ իմացիր, որ բէկի աղջիկը արդէն մեր կողմերից հեռացել է իւր ծնողների հետ. քո նրան տեսածդ տեղը այժմ ոչ ոք չկայ. արի, որդիս ձեռք քաշիր այդ աղջկանից և բոլորովին մոռացիր նրան, ես նրանից աւելի գեղեցիկ աղջիկ կուզեմ քեզ համար»: Այս խօսքերի վրայ Շահ-Իսմայէլը ոտքի կանգնելով հօր ձեռքը համբուրելով ասաց.—«ով իմ բարեխնամ հայրս, դու կարծում ես այսուհետև ես այլևս այստեղ կմնամ. իմացիր որ այդ բանը ինձանից շատ հեռու է. ես այս կողմերում ոչ մի աղջկայ հետ էլ սրտով կապուած չեմ և ամենևին միտք էլ չունիմ կապուելու, եթէ գիտենամ, որ Գիւլիգարին չպիտի գտնեմ, դարձեալ վճռել եմ զնալ այստեղից, գոնէ նրա գնացած ճանապարհում կմեռնիմ: Կրկին հայրը շատ խնդրեց, թախանձեց, շատ

խրատատու խօսքեր խօսեց, սակայն Շահ-Իսմայէլը բոլորովին չը համոզուեց: Թագաւորը սաստիկ բարկանալով ասաց—«զնա՞ դժողքի անդունդը, քեզի պէս որդին ինձ հարկաւոր չէ», այսպիսի դառն խօսքերով ասելով Շահ-Իսմայէլին՝ վրձնտեց իւր մօտից:

Շահ-Իսմայէլը այդտեղից դուրս գալով ուղղակի մտաւ գանձարան, մի պարկ լիք ոսկի վերցրեց, այնուհետև ջոկեց նիզակ, վահան, դաշոյններ և պատերազմական այլ գործիքներ վերցնելուց լետոյ մտաւ ձիանոցը. Ղամար բուռակը դուրս քաշելով գնաց դէպի պալատ. զէնքերը կապեց, ձին թամքեց և սանձը խփելով բերանը թռաւ նստեց ձիու վրայ: Ուզում էր գնալ, երբ Շահ-Իսմայէլի մօրը թագուհուն իմաց տուին. սա էլ խկոյն վազեց թագաւորի մօտ ասելու, որ Շահ-Իսմայէլը գնում է Գիւլիգարի լետուից: «Ի՞նչ հօր թագաւոր լինիս, ասաց թագուհին, և քու միտքիւ որդուդ ճարը չը կարողանաս գտնել, դա շատ անհաւատալի բան է: Թագաւորն իսկոյն հրամայեց, որ բերդի դռները պինդ փակեն և պահապաններն էլ հեռանան դռների մօտից: Հրամանը կատարուեց անմիջապէս: Պարսպի երկաթէ դռները ամուր փակելով, պահապաններն անհետացան, կտրիճ Շահ-Իսմայէլը Ղամար ձիու վրայ նստած այն է առաջ շարժուեց, մայրը լսեց և իւր գլխի մագերը պոկելով, աղիոզորմ լաց ու հառաչանքով Շահ-Իսմայէլի դէմը ելաւ ու ասաց.—«Որդի, ո՞ւր ես գնում, դու թագաւորի որդի լինիս, ու մի աղջկայ համար սար ու ձոր ընկնիս, ես մեռնիմ լաւ չէ»: Խեղճ Շահ-Իսմայէլը մօր հառաչանքներին չ'ղիմանալով, առաւ սագը ձեռքը և երգեց այսպէս:

Մայր իմ օրհնէ ինձի, մի՛ լար,
Կերել եմ սուրբ կաթի մաքուր,
Ողբալով քեզ օգուտ չես տար,
Սրտատուք մի թափեր ի գուր:

Հայրս չի գթալ ինձ վերայ,
Յանդիմանում է անխնայ,
Ես գնում եմ, մայրս կուլայ,
Օգնէ, Աստուած, Համբերանք տուր:

Պէտք չէ ինձ կայքը աշխարհի,
Սրտիս մէջը ես ուխտ արի,
Մինչ չգտնեմ, չեմ դադարի,
Իմ աղաւնին ոսկեփետուր:

Ասա հօրս բարեխնամ,
Ինձ կտեսնի կրկին անգամ,
Յուսով եմ որ շուտ կը դառնամ,
Իւր գահը չի մնալ թափուր:

Շահ-Իսմայէլն ասպնջական,
Ընկաւ ճանկը օտարութեան.
Տէր իմ Աստուած, լեր օգնական,
Ինձ մի թողնիր տրտում, տխուր:

Այս երգը ասելուց վերջը դարձեալ մնաս բարով ասե-
լով մօրը, ընկաւ ճանապարհ. երբ հասաւ պարսպին, տե-
սաւ որ բերդի դռները փակ են և պահապաններն էլ այն-
տեղ չեն, իսկոյն նժույգ ձին մէկ երկու անգամ այս ու այն
կողմ քշելով տաքացրուց, մէկ էլ մի ասպանդակ խփելով,
մի լախտ որ չհասցրուց նրան, դուռը աջ ու ահեակ թըն
գալով ջարդ ու փշուր եղած գլորուեց գետին: Այդտեղից
ազատուելով առաջ խաղաց և հասաւ այնտեղ, այն սղբի-
ւորի մօտ, որ ընկերների հետ որսի գալած միջոցին հաւաք-
վում էին: Շահ-Իսմայէլը իւր անցած, երջանիկ օրերը լիշեց
և արտասուալի ձայնով երգեց այս տողերը:

Պարկած ննջում էի միամիտ անհոգ,
Սիրտս վառ կրակով լցուաւ, ո՛ւր գնամ,

Նազելիս սրտեղ է, չըգիտէ ոչ ոք,
Թռչուն էր, ձեռքիցս թռաւ, ո՛ւր գնամ:

Հրեշտակ ասեմ, թէ յաւերժահարս,
Տեսնին ուխտ կը գնան թէ ճաճիկ, թէ Պարս,
Ո՛ւր գտնիմ նրա սէս սիրուն ծաղկավարս,
Ազնիւ քար էր, ընկաւ կորաւ, ո՛ւր գնամ:

Շահ-Իսմայէլս այստեղ մինչև երբ մնամ,
Ստիակ եմ, առանց վարդ ինչպէս դիմանամ,
Արդեօք ո՛ւմ հարցանեմ, ո՛ւմնից իմանամ,
Պարելի է մէկին գտաւ, ո՛ւր գնամ:

Երգն աւարտեց, կրկին ինքն իրան հաւաքելով թռաւ
ձիու վրայ ու հեռացաւ աղբիւրի մօտից: Գնաց այն հովի-
տը, որտեղ որ բարակը բաց էր թողել եղնիկի յետեից, բէ-
կի ամարանոցն էր այժմ այդտեղ ամալի ու անմարդաբնակ
էր: Շահ-Իսմայէլը ոչ ոքի չտեսաւ, ամարանոցն անտէր,
անտիրական այրի կնոջ նման քիչ էր մնում լաց լինի. այդ
տխուր տեսարանին նրա սիրտը չղիմացաւ, խոր զգացուած
սազն առաւ ձեռքը, տեսնենք ինչ է երգում:

Այստեղ ես բարակը բաց թողի, գնաց,
Եղնիկի յետեից՝ բռնելու համար,
Այն օրուանից սէրը սրտումս մնաց,
Գիշեր, ցերեկ գառանցում եմ, Գիւլիզար:

Սիրուն ամարանոց, անխօս, անկենդան,
Իմ սիրելուս մասին դու չես ասիլ բան,
Պտրում եմ, ոչ մի տեղ չեմ գտնում նրան,
Խելագարի նման ընկած սար ու քար:

Շահ-Իսմայէլի պէս դու բաղդով կուր ես,
Մինչ չէն էիր այժմ անմարդ թափուր ես,

Ամարանոց, դուն էլ տրտում, տխուր ես,
Մնացել ես անտէր ու անմխիթար:

Երբ որ երգն աւարտեց, այժմ եկաւ այն տափարակ
գաշտավայրը, որտեղ Իւրուք բէկի վրաններն էին խփած:
Այժմ վրանների տեղ նրա աչքին երևեցան ուրուականներ,
շրջան կազմած խաղ ու պար անելիս, քամին էլ սկսել էր
փչել որքան կարող էր, այժմ վրանների տեղ մարդու հա-
սակի խոտ բուսած տեսնելով, սազն առաւ ձեռքը, տեսնենք
ինչ երգեց:

Սարեր, ձեզ պատել են ամպերը մթին,
Խօսեցէք, իմ Գիւլիզարս չտես՞ք,
Կանաչ խոտեր, բոյսեր ու մարգագետինք,
Խօսեցէք, իմ Գիւլիզարս չտես՞ք:

Շամէն գնաց արդեօք, թէ նա Հնդկաստան,
Հարցանում եմ ինձի չէք տար պատասխան,
Գետեր ու աղբիւրներ, զով անմահական,
Խօսեցէք, իմ Գիւլիզարս չտես՞ք:

Սրդեօք Հալէպ գնաց, թէ նա Եգիպտոս,
Որոնում եմ նրան չեմ գտնում, փոսոս,
Քարեր ու բլուրներ, ձոր ու դար ու փոս,
Խօսեցէք, իմ Գիւլիզարին չտես՞ք:

Եթերներից անցնող սիրուն թռչնակներ,
Թռչում էք երգելով լաւ եղանակներ,
Պարտեզներ ու վարդեր և մանիշակներ
Խօսեցէք, իմ Գիւլիզարիս չտես՞ք:

Շահ-Իսմայէլն այս խօսքերն աւարտելուց լետոյ նստեց
ձիու վրայ և հեռացաւ այդտեղից: Անկաւ ճանապարհ, բայց
ինքն էլ իսկապէս չգիտէր, թէ ուր էր գնում: Մէկ օր,
հինգ օր անցնելով մինչև մի ամիս ճանապարհ գնաց:

Ահա մի օր մի ընդարձակ դաշտ բացուեց նրա առաջը:
Դաշտի մէջ տեղում Շահ-Իսմայէլը տեսաւ մի շատ գեղեցիկ
պալատոնման տուն. այդ շինութեանը մօտենալով՝ նա տե-
սաւ որ մի փառաւոր ապարանք է. յաղճապակից գմբէթն
ու պատերը արևի ճառագայթների տակ մարդու աչքերն
էին խտտացնում: Ուղեցաւ ներս մտնել, դուռը չգտաւ,
ուստի սաղը ձեռքն առնելով այս սողերը երգեց:

Ղանդահարից քեզ մօտ եկայ.

Պալատ, քեզնից ճամբայ կուզեմ,

Գուռդ որ կողմն է, ինձ ասա,

Պալատ, քեզնից ճամբայ կուզեմ:

Պալատ, քեզի ո՞վ է շինել,

Հիմքդ շատ սիրուն է դրել:

Քո վարպետիդ պէտք է գովել,

Պալատ, քեզնից ճամբայ կուզեմ:

Գուռդ չեմ գտնում որ անցնեմ,

Թիւեր չունիմ, որ ես թռչիմ,

ձար ու հնար թնչպէս գտնեմ,

Պալատ, քեզնից ճամբայ կուզեմ:

Շահ-Իսմայէլն եմ, դուռդ բաց,

Ես չեմ պահանջում ջուր ու հաց,

Մէջդ ո՞վ կայ, ինձ տուր իմաց,

Պալատ, քեզնից ճամբայ կուզեմ:

Երբը պրծնելուց լետոյ դարձեալ ման եկաւ, չորս կող-
մը լաւ ուշադրութեամբ նայեց, տեսաւ որ ոչ մի անցք չու-
նէր ներս մտնելու: Աւելի մօտեցաւ պալատին՝ իւր բոլոր
ոյժը հաւաքելով, ձեռքի լախտը բարձրացնելով՝ այնպէս ա-
մուր զարկեց պատին, որ պալատի պարսպի մի կողմը քան-
դուեց: Ներս մտաւ, ձին մի տեղ կասեց և ինքը սանդուխտ-

ները բարձրանալով տեսաւ որ ութը սենեակներ կան, բայց մէկ սենեակի լուսամուտի առաջ վարագոյր է քաշած: Իսկոյն վարագոյրի ծայրը հետաքրքրութիւնից վեր վերցրած ժամանակ տեսաւ որ մի շատ գեղեցիկ, չքնաղ օրիորդ նստած՝ քարկահ է բանում, աղչկայ աչքերից արտասուքի տեղ արիւն էր կաթում: Երբ Նահ-Իսմայէլը անմիջապէս սենեակի դռնով ներս մտնելով քաղաքավարի կերպով բարև տուեց թուրքերէն լեզուով: Աղջիկը ամենևին ձայն չհասնեց. Երբ Նահ-Իսմայէլը կարծելով թէ սա քուրդ է, ասաց. «Աւարաթախէր». «Գարձեալ ոչ մի խօսք օրիորդի կողմից: Երբ Նահ-Իսմայէլը կարծելով թէ նա Հայ է՝ «բարի լոյս» ասաց, դարձեալ լուսութիւն. «Կարծելով թէ աղջիկը ռուս է, Երբ Նահ-Իսմայէլը ասաց «գամառ ջոպա»: Աղջիկը տեսաւ որ տղան դեռ շատ պիտի ձաւրէ, թողեց քեարկահը, իւր մետաքսանման հիւսերից մէկը դնելով գեղեցիկ կրծքի վրայ՝ որպէս սոց՝ սկսեց երգել: Այժմ տեսնենք աղջիկը Երբ Նահ-Իսմայէլին ինչ է ասում և նա ինչ է պատասխանում:

Ա Ղ Զ Ի Կ Ը

Ո՞րտեղից գուրս եկար հրեշտակի նման,
Ցաւս շատ է. կտրիչ, ես ինչպէս ասեմ,
Ձեռ կարող իմ ցաւին տալ դեղ ու դարման,
Ցաւս շատ է, կտրիչ, ես ինչպէս անեմ:

Շ Ա Հ - Ի Ս Մ Ա Յ Է Լ Ը

Կարելի է ցաւիդ լինեմ ցաւակից,
Ասո՛, աղջիկ, ցաւդ ինչ է, հասկանամ,
Գաղտնի ցաւերիդ գեղ անեմ ոգելից,
Ասո՛, աղջիկ, ցաւդ ինչ է, հասկանամ:

Ա Ղ Զ Ի Կ Ը

Եթեր եղբայր ունիմ այժմ բացակայ,

Ուղարկել եմ անգուլթ թշնամու վրայ,
Պատերազմի դաշտում կսվում են հիմայ,
Ցաւս այս է, կտրիչ, ես ինչպէս ասեմ:

Շ Ա Հ - Ի Ս Մ Ա Յ Է Լ Ը

Ես քո ցաւդ հաստատ իմանամ պէտք է,
Ձեր թշնամու վրայ ընթանամ պէտք է,
Եղբարցդ օգնելու ես ջանամ պէտք է,
Ցաւդ ինչ է, աղջիկ, ասո՛ հասկանամ:

Ա Ղ Զ Ի Կ Ը

Թէ պիտի ցոյց չտես ուժդ, հնարդ,
Թող տուր ինձ, դնո՛ քու ճանապարհդ:
Քանի որ չես կապել զէնք ու սուպարդ,
Ցաւս շատ է, կտրիչ, ես ինչպէս ասեմ:

Շ Ա Հ - Ի Ս Մ Ա Յ Է Լ Ը

Նազդ շատ է, դիմանալը դժուար է,
Խօսքիդ քաղցրութիւնը մեղր է, շաքար է,
Մի կեանք ունիմ հաստատ քեզի համար է,
Ցաւդ, ինչ է, աղջիկ, ասո՛ հասկանամ:

Ա Ղ Զ Ի Կ Ը

Լսէ խօսքս, քեզ ճշմարիտն եմ ասում,
Մի ծեր մարդ կայ, ինձ նրան տալ չեն ուզում,
Եղբայրներս իմ մասին են զո՛հ գնում,
Ցաւս, այս է, կտրիչ, ես ինչպէս ասեմ:

Շ Ա Հ - Ի Ս Մ Ա Յ Է Լ Ը

Մէկն ինչ է՝ իմ դէմս, թող գոյ հազարը,
Կը քաղեմ, ինչպէս որ խօտը, բանջարը,

Ամեն տեսակ ցաւիդ կգտնեմ ճարր,
Յաւդ, քնչ է, աղջիկ, աստ իմանամ:

Ա Ղ Զ Ի Կ Ը

Ո՞ր երկրից եկար, իմ կենաց մասը,
Քանդեցիր իմ տունը, տուիր վնասը,
Գիւլփէրին թող քաշէ քու պատուհասը,
Յաւս շատ է, կտրի՛չ, ես քնչպէս ասեմ:

Շ Ա Է - Ի Ս Մ Ա Յ Է Լ Ը

Սրդեօք պիտի գտնեմ վարդ մանիշակիս,
Գառն է գրու թիւնը թշուառ սոխակիս,
Շահ-Իսմայէլն եմ, չեմ հասել փափագիս,
Յաւդ, քնչ է, աղջիկ, աստ, հասկանամ:

Երբք վերջացնելուց յետոյ, Գիւլփէրին դառնալով Շահ-Իսմայէլին ասաց. — Մեծապատիւ Տէր. դու հիմայ անպատճառ քաղցած կլինիս. սպասիր մի քիչ հաց բերեմ կեր. Գիւլփէրին գնաց մի կատարեալ ճաշ պատրաստեց և հրաւիրեց Շահ-Իսմայէլին սեղանի վրայ: Աղջիկը իւր թանկագին հիւրի հետ սկսեց ճաշել: Երբ ճաշը վերջացաւ հարցրեց նրան. — Օրիորդ, քո եղբայրները որտեղ են, ում հետ են կովում, որ երգիդ մէջ լիշեցիր: Գիւլփէրին պատասխանեց. — Կայդ դիմացի բարձր սարը տեսնում ես, որ երևում է լուսամուտից, այդ լեռան յետևում Ղարախան անունով մի ծեր մարդ կայ, նրա զօրքերի հետ են կովում: Յիշեալ խանը, որ համարեա ութսուն տարեկան է, բոլորովին մաշուած ու զուամեալ, ունի եօթ կտրիճ որդիներ: Եւ գիտես, իրա համար այդ ծերունին եղբայրներիցս ինձ ուզում էր կնութեան առնել: Եղբայրներս իհարկէ մերժեցին ծերունու առաջարկութիւնը. նա էլ իրան վրէժը հանելու համար շատ զօրքով եկաւ ինձ փախցնելու: Գեռ մեր տանը չմտեցում, երբ եղբայրներս

լսեցին դրանց գալը, եօթն էլ պատրաստուեցին և նրանց դէմ ելան կռուելու: Այժմ չգիտեմ թէ քնչ հետևանք ունեցաւ. ո՛չ մի տեղեկութիւն չունիմ. միայն այս գիշեր մի վատ երազ տեսայ, իբր եղբայրների երկուսը զոհ էին գնացել այդ պատերազմի մէջ, մնացել էին հինգը, որ ամեն ջանք գործ էին դնում յաղթելու խանի բազմութիւ զօրքերին: Շահ-Իսմայէլը տեղից վեր կացաւ և պատրաստականութիւն յայտնեց նրանց օգնութեան հասնելու: Աղջիկը արտասուալի աչքերով ճանապարհ գցեց անծանօթ հիւրին ցոյց տալով այն սարը տանող ճանապարհը:

Շահ-Իսմայէլը Գիւլփէրից հեռանալով շատ չանցած հասաւ այն սարը, բարձրացաւ լեռան գլուխը, նրա միւս կողմում աչքի ընկաւ մի ահագին զօրաբանակ: Զօրքերի դէմ հակառակ կողմում տեսաւ Գիւլփէրիի հինգ եղբայրներին: Ուրեմն քրոջ խօսքը դուրս եկաւ. երկու եղբայրները այդ կռուում նահատակուել էին արդէն: Շահ-Իսմայէլը ինքն իրան մտածելով ասում էր. եթէ քչուրի կողմն անցնեմ, պիտի ասեն գոռոզութիւն արաւ. եթէ շատուրի կողմը գնամ, պիտի ասեն վախեցաւ: Լաւ է գնամ երկուսի մէջ տեղը կանգնեմ, բարև տամ, որ կողմից որ բարևս առան նրանց կողմն անցնիմ: Այսպէս վճռելով եկաւ, ձին քշելով հասաւ, կանգնեց երկու հակառակորդների մէջ տեղը: «Բարև ձեզ» ասաց. հինգ եղբայրները շատ սիրով Շահ-Իսմայէլի բարևն առան: Շահ-Իսմայէլը ոգևորուած սօգն առաւ և երգեց այսպէս:

Բարձր սարի գլխին բազմեցի այսօր,
Տէր իմ Աստուած, Տէր իմ, օգնութիւն արա՛,
Տկարներուն պաշտպան, ուժեղ մեծագոր:
Տէր իմ Աստուած, Տէր իմ, օգնութիւն արա՛:

Ստեղծեցիր մարդը, բալոր աշխարհը,
Երկիւղիցդ կգողան սարը և քարը,
Փորձանքից ազատէ այս հինգ եղբայրը,
Տէր իմ Աստուած, Տէր իմ, օգնութիւն արա՛:

Ստեղծեցիր աստղեր, լուսին ու արև,
 Ցերեկի և գիշերային մեծ պարզև
 Մօտենալով տուր Աստծու բարև,
 Տէր իմ Աստուած, Տէր իմ, օգնութիւն արա՛ս
 Դէմս երևում է մի հզօր բանակ,
 Տկարներուն ջնջել կուզէ համարձակ,
 Կամ կյաղթեմ, կամ կլինիմ նահապառ
 Տէր իմ Աստուած, Տէր իմ, օգնութիւն արա՛:

Մահ-Իսմայէլն այսօր եռանդի գալով
 Իւր ձին ասպարէզ է մտնում խողալով,
 Արեան մէջ թաթախեմ թուրս շաղ տալով,
 Տէր իմ Աստուած, Տէր իմ, օգնութիւն արա՛:

Երբը վերջացնելուն պէս առանց ժամանակ կորցնելու
 ձիուց վար թռաւ, ձիու փորքաշը եօթը տեղից պինդ ամ-
 րացնելով դարձեալ թռաւ, ձիու վրայ նստեց: Սուրը մեր-
 կացրեց, վահանը ձախ թեւն անցկացրեց ու Աստուած կան-
 չելով՝ այնպիսի մի յարձակում գործեց, որ թշնամու մէջ մի
 խառնաշփոթութիւն ընկնելով բոլոր գինւորները փախուստ
 տուին: Մահ-Իսմայէլը աւելի ոգևորուելով իւր յաջողութիւ-
 նից, քչեց մտաւ նրանց մէջ և առանց աջ ու ահեակ նա-
 յելու խորտակեց գոռոզ խանի բանակը: Զօրքերի քառորդ
 մասը հազիւ թէ ազատուեցաւ փախչելով, մնացած մեծ
 մասն Մահ-Իսմայէլը սրախողխող արաւ: Այսպիսի մի մեծ
 յաջողութեան համար փառք տալով Աստծուն, Մահ-Իսմայէլը
 ձիուց վար թռաւ ու նստեց հանգստանալու: Մինչ սա իւր
 ձիու հետ հանգստանում էր, հինգ եղբայրները մեծ գար-
 մանքով մի կողմ կանգնած խօսում էին միմեանց հետ թէ
 քնջ մեծ ու անսպասելի օգնութիւն էր, որ Աստուած հասց-
 րուց իրանց: Այս մեծ բարութեանը երախտապարտ չը մնա-
 լու համար, որոշեցին այդ անծանօթ հերոսին հրաւիրել ի-

քանց տուն մի լաւ պատիւ տալու: Փոքր եղբայրը առաջ
 գալով Մահ-Իսմայէլին հրաւիրեց տուն: Բոլորը միասին ճա-
 նապարհ ընկան դէպի արդէն ծանօթ տունը: Ճանապարհին
 Գիւլփերիի հինգ եղբայրները չը գիտէին, թէ քնչպէս յայտ-
 նեն իրանց շնորհակալութիւնը: Եթէ դու մի քիչ ուշ
 հասնէիր, մեր միւս երկու եղբայրների պէս մեզ էլ պիտի
 սպանէին այդ անիրաւները և մեր քրոջը պիտի փախցնէին:
 Ճիշտ որ Աստուած հասցրեց քեզ, գոհութիւն Աստծոյ, մենք
 այժմ ազատ ենք: Դեռ տանը չէին մօտեցած, երբ փոքր
 եղբայրը վազեց իմաց տալու քրոջը, թէ պատրաստութիւն
 տես, մի թանկագին երիտասարդ բերում ենք մեր տուն
 ճաշի: Յանկարծ երբ տեսաւ որ իրանց տան պարսպի մի
 կողմը քանդուած է, սիրտը կտոր կտոր եղաւ, կարծելով
 թէ թշնամու զօրքերից եկել են տուն: Սաստիկ զայրանա-
 լով սուրը քաշեց և ներս վազեց: Տեսաւ որ քոյրը հանգիստ
 նստած քեարկեահ էր բանում: Զարմանալով ասաց—ով ան-
 գութ, այս քնչ է քո արածները, մենք քեզ համար երկար
 ժամանակ է պատերազմում ենք, արիւն ենք թափում, քո
 պատուի համար երկու եղբայրներս էլ ընկան այնտեղ, դու
 անամօթ անզգամ, այստեղ սրտակից գտնելով քեզ համար
 ուրախութիւն ես անում, շուտ ասա թէ ո՞վ է քանդել այս
 պատը, արդեօք ո՞վ ներս մտաւ, շուտ ասա, ապա թէ ոչ,
 այս բոլոր քեզ հարիւր կտոր կանեմ: Քոյրը առանց զայ-
 րանալու հանդարտ կերպով պատասխանեց—«Ինչու ես զայ-
 րանում, սիրելի եղբայր, լսիր գործի ճշմարտութիւնը, լետոյ
 խօսիր, մի կտրիճ սպիտակ ձիուոր եկաւ: Եղբայրը նոր լսեց,
 որ այն իրանց օգնութեան հասնող սպիտակ ձիուորն է ու
 հանդարտեց. սիրտը մեղմացաւ և դառնալով քրոջը ասաց.
 —«Իէհ, շտապիր, մեզ համար շուտ սուրճ պատրաստիր,
 եղբայրներս յաջողութեամբ վերադառնում ենք, հետներն էլ
 մի երիտասարդ հիւր են բերում»: Մինչև Գիւլփերիի սուրճ
 պատրաստելը Մահ-Իսմայէլը իւր ընկերների հետ հասաւ

տուն. բարձրացան վերև և բազմեցան փառաւոր զորքերի վըրայ, Գիւլփէրին արծաթէ մատուցարանի վրայ չինական բիւրեղից շինուած սկահներով մի մի հատ սուրճ տուեց իւր եղբայրներին և անձանօթ երիտասարդին. սուրճը վայելելուց և մի քիչ հանգստանալուց լետոյ, լիշեալ հինգ եղբայրները մի փառաւոր ճաշ տուին Ծահ-Իսմայէլին տեսակ տեսակ կերակուրներով ու քաղցրահամ խմելիքներով: Երբ որ կերան, խմեցին, ուրախացան և արդէն հացկերոյթը վերջանալու վրայ էր, Գիւլփէրիի մեծ եղբայրը առաջարկեց Ծահ-Իսմայէլին, որ իրանց փեսայ լինի իւր քրոջը առնելով: Այդպէս էլ եղաւ. ուրախութիւնը նորոգուեց Ծահ-Իսմայէլը յօժարութիւն յայտնեց Գիւլփէրիին առնելու: Անցան մի քանի օրեր: Ծահ-Իսմայէլն ու Գիւլփէրին միմեանց հետ ուրախ օրեր էին անցկացնում, բայց սրանք սպրում էին միմեանց հետ որպէս անմեղ հրեշտակներ: Երբ Ծահ-Իսմայէլն ուզում էր Գիւլփէրիի հետ ննջել, թուրը հանում էր պատեանից և մերկացրած իրանց մէջ տեղն էր գնում:

Մի գիշեր Ծահ-Իսմայէլը իւր անկողնում քաղցր քնի մէջ երթում Գիւլփէրին տեսաւ: Գիւլփէրը սև էր հագած, արտասուալի աչքերով ներկայացաւ նրա աչքերի առաջ և կարծես այսպէս ասելիս լինէր «Ծահ-Իսմայէլ, Ծահ-Իսմայէլ, շուտով հասիր, որ ես ձեռքից գնում եմ»: Այս երազից սթափուելով վեր կացաւ և սրտից մի ամուռ նիւ քաշեց: Կարծում էր թէ ամբողջ աշխարհը տակն ու վրայ է եղել և ինքը մնացել է տակը: Գիւլփէրին տեսնելով Ծահ-Իսմայէլի անսովոր զրութիւնը՝ ասաց «Ո՛հ Տէր իմ, մենք ինչ պակասութիւն ունինք, որ դու նիւ ես քաշում ու հոգս անում, այդ բանի պատճառն ինչ է, խնդրում եմ ինձանից գաղտնիք մի պահիր»: — «Ազնիւ օրիորդ, պատասխանեց Ծահ-Իսմայէլը իրաւ է, որ մենք այստեղ ոչ մի պակասութիւն չունինք, բայց բանն այն է. որ ես քեզ պէս մի հրեշտականման Գիւլփէրից եմ ջոկուել: Մինչև ես նրան չգտնեմ, ինձանից ոչ ոքի օգուտ

չի լինի, նրա կարօտը ցեցի նման ինձ հալումաշ է անում: Աննման Գիւլփէրի, եթէ դու նրան տեսար, ասա ինձ, գընամ գտնեմ նրան և քեզ էլ այստեղից վերցնելով՝ միասին գնանք Աանդահար»: Գիւլփէրին պատասխանեց — «Տէր իմ, հաւատա, որ ես նրան բոլորովին չեմ տեսել, չեմ ճանաչում և չգիտեմ էլ թէ, ո՞ր կողմն է գնացել»: Այս պատասխանից լետոյ Գիւլփէրին արտասուելով՝ գնաց եղբայրների մօտ և ասաց — արիք տեսէք, ձեր ընտրած փեսան գնում է»: Անցաւ գիշերը:

Գիւլփէրիի առաւօտը բացուել էր թագուհի արևն արդէն մի նիզակաչափ հօրիզոնից բարձրացել էր և լուսաւորում էր աշխարհը: Գիւլփէրիի եղբայրները քրոջ երեկոյեան իրանց հաղորդած լուրի պատճառով, առաւօտ կանուխ մը ասան Ծահ-Իսմայէլի սենեակը:

Ինչպէս լսեցի, ուզում ես գնալ, յարգելի բարեկամ, բայց ուր ես ուզում գնալ և ինչ պատճառով: Ծահ-Իսմայէլը պատասխանեց — «Իմ այս կողմերի գտլու պատճառն իսկապէս մի սիրուհի ունէի, և նա եղաւ: Ես եկայ ձեզանից սիրելուս մասին տեղեկութիւն հարցնելու և դուք հանդիպելով, ձեր քոյր Գիւլփէրին առաջարկեցիք ինձ: Ես չմերժեցի. բայց քանի որ ես իմ նախկին սիրուհուն Գիւլփէրին չգտնեմ, ոչօքի չեմ կարող հաստատ խօսք տալ ու վերջնական կապուել նրա հետ: Այդ հաստատ վճիռն իմանալով, բոլոր եղբայրներն էլ ոտքի կանգնելով ճանապարհ ձգեցին նրան ասելով. — «Գնա բարեկամ. Աստուած քեզ յաջողութիւն և բարի ճանապարհ տայ, բայց ճանապարհի վրայ մի արիւնարբու արար կայ, զգուշացիր, նրանից քեզ մի վնաս չհասնի. Աստուան ենք յանձնում քեզ, մեր տէրը, գնա յաջողութեամբ և մի մոռանար մեզ: Ծահ-Իսմայէլը վերադարձի վերջնական պայման անելով Գիւլփէրիի հետ համբուրուեց նրա հետ, մնաս բարով ասաց նրա եղբայրներին և ընկաւ ճանապարհ:»

Լրիւ քառասունն օր շարունակեց Շահ-Իսմայէլը իւր ճանապարհը: Քառասուն և մէկերորդ օրը եկաւ վերոյիշեալ արաբի ապարանքի մօտ մի տեղ իջաւ: Մէկ էլ գլուխը բարձրացնելով վեր նայեց որ ինչ տեսնի, մի կանաչաւէտ բլուրի վրայ մի շատ գեղեցիկ արքայավայել պալատ, այդ ապարանքի չորս կողմումն էլ վրաններ կան խփած, որոնց մօտի բազմաթիւ զօրքերը պաշտպանում էին այդ գեղեցիկ ամրոցը:

Անվախ Շահ-Իսմայէլը հետաքրքրութիւնից շարժուած ձին քշելով ելաւ վրանների մօտ կանգնեց. նրան չնկատեցին, նա շտապով մտաւ մի վրանի մէջ, տեսաւ որ այդ վրանի մէջ դրուած է մի ափսէ և երկու գտալ ու երկու կտոր հաց էլ մօտն է դրած, իսկոյն ափսէի խուփը վերցրեց, նայեց որ միջի կերակուրը կարմիր արիւնով է եփուած: Առանց երկիւղի Շահ-Իսմայէլը գտալի մէկը վեր առնելով սկսեց ուտել կերակրից: Այդ ապարանքի տէրը՝ Արաբ-Իւզանկին՝ որ տեսել էր օտարականին վրան մտնելիս, երբ տեսաւ որ ամանից կերակուր է ուտում, ձայն տուեց—«ով քաջ, դրան արիւնէ ապուր են ասում, առաջ ինձ հետ փորձուիր, ապա այդ կերակուրը սկսէ ուտելը»: Այդ խօսքերի վրայ Շահ-Իսմայէլը սազն առաւ տեսնենք ինչ է երգում և արաբն էլ ինչ է նրան պատասխանում երգով:

Շ Ա Հ - Ի Ս Մ Ա Յ Է Լ Ը

Արտիս մէջ իղձ ունիմ, խեղճ սիրահարս,
Գթան, արաբ, գթան մի չարչարիբ ինձ:
Թող տուր շարունակեմ իմ ճանապարհս,
Գթան, արաբ, գթան մի չարչարիբ ինձ:

Ա Ր Ա Յ Ը

Առաւօտ մի կաքաւ ուռկանս ընկաւ,
Ոտքը վնասուել է, կաղալով կերթայ:

Երկիւղեցը պռունկները պայթեցաւ,
Խեղճը արտասուելով և լալով կերթայ:

Շ Ա Հ - Ի Ս Մ Ա Յ Է Լ

Լսէ արաբ, ես վատութիւն չեմ ցտնկալ,
Ամեն բազէ իմ թռչունս չի որսալ,
Շուտով դու կլինիս արիւնաթաւալ,
Գթան, արաբ, գթան մի չարչարիբ ինձ:

Ա Ր Ա Յ Ը

Որս տեսնելիս, գերթ առիւծ կ'մրմռամ,
Յաղթուած չեմ, իմ պատիւս է անթառամ,
Վարարած գետի պէս գոչեմ, կ'գոռամ,
Թռչունը իմ մօտից գողալով կերթայ:

Շ Ա Հ - Ի Ս Մ Ա Յ Է Լ

Ո՛վ դու արիւնարբու, անգութ աւազակ,
Իմ ձեռքովս պիտի լինիս շան սատակ,
Տունդ, տեղդ շուտով կանեմ աւերակ,
Քեզ ասում եմ, արաբ մի չարչարիբ ինձ:

Ա Ր Ա Յ Ը

Շատերին քեզ նման առել եմ աւար,
Գլխից բուրգ եմ շինել, զիակից կամար,
Իմ սրիցս դու կմեռնիս չարաչար,
Աստ եկողը գլուխը տալով կերթայ:

Շ Ա Հ - Ի Ս Մ Ա Յ Է Լ

Ահա կառնեմ ձեռքս սուր ու վահանս,
Կանչում եմ սրբերին իմ օգնութեանս,
Տէրն է իմ պաշտպանս, իմ պահապանս,
Աստուած սիրես, արաբ մի չարչարիբ ինձ:

ԱՐԱՔԸ
 Երեխայ ես հաւասար չես քաջազնին,
 Վախիցդ փախել է գոյնդ գլխովին,
 Միթէ չէիր լսել Արաբ-Իւզանկին,
 Իմ մօտից ուրախը սգալով կերթայ:

Երգեցողութիւնը աւարտելուց յետոյ Շահ-Իսմայէլը մի հայեացք ձգեց արաբի վրայ, տեսաւ որ մի վիթխարի մարդ է, պռունկների մէկը գետին, միւսը երկինք: Շահ-Իսմայէլն ասաց. Թնչ ես անանձրե. քամիով փքուած ամպի նման գոռում, գորգոռում, արի ասպարէզ տղամարդու նման մենամարտեք, Աստուած կամ ինձ կտայ, կամ քեզ: Արաբն այս խօսքերից շատ նեղացած, վազեց իսկոյն ախոռը իւր նժույզ ձին դուրս քաշելով մորեխի նման մի ակնթարթում թռաւ ու թամբի վրայ նստեց. երկու հարիւր լորանոց լախտը գիւրդ ձեռքին առնելով եկաւ կռուի ասպարէզում կանգնեց: Շահ-Իսմայէլը երբ արաբին պատրաստուած ասպարէզ գալը տեսաւ, իսկոյն ինքն իւր տեղից վեր թռչելով իւր նժույզի վրայ նստած գնաց նրան դիմաւորելու: Արաբը սաստիկ գոռալով ասաց Շահ-Իսմայէլին. «արձակուիր երեխայ, ես պատրաստ եմ»: Ո՛չ, առաջ դու արձակուիր ասաց Շահ-Իսմայէլը, — որովհետեւ քո հողի մէջն ենք գտնուում. այդ ժամանակ Արաբ-Իւզանկին իւր մտքի մէջ առում էր. այս երեխայի մէջ թնչ ոյժ պիտի լինի, որ այդպէս գոռոզանում է, ես մի հարուածով կխեղձացնեմ սրան. այսպէս ստելով իւր ձեռքի ահագին լախտը օդի մէջ եօթն անգամ պտոյտ տալով արձակեց: Շահ-Իսմայէլը իւր լախտը դէմ բռնելով ազատուեց այդ հարուածից: Երկու երկաթներ իրար խփուելով կայծեր առաջացրին, այնպէս ուժեղ էր արձակել արաբը: Չիբրի դոփիւնից, փոշին գետնից բարձրանալով ծածկեց երկուսին էլ: Այդ գորեղ յարձակումը Շահ-Իսմայէլին թէւ մի վնաս չհասցրեց, բայց մօրից ծծած կաթը խեղճ երիտասարդի բը-

թից թափուեց: Արաբն էլ տեսնելով այս, իւր մէջ տաց, ախոս. խեղճ տղային վախեցրինք. գալով դարձեալ կանգնեց ասպարէզի գլուխը. Շահ-Իսմայէլը ինքն իրան ժողովելով արտանց մի այնպիսի աղաղակ բարձրացրեց որ սարերն ու ձորերը արձագանք տուին: Արաբը երբ այս ահարկու ձայնը լսեց, պռունկները պատառուեցին, վախեցաւ, և կամեցաւ փախչել: Շահ-Իսմայէլն ասաց—«վախկոտ, թոյլ արնք, կանգնիր, ո՛ւր ես փախչում. կաց հերթն իմն է. առաձս փոխը եթէ չըդարձնեմ, մօրից ծծած կաթը թող ինձ համար օձի թոյն լինի: Սպասիր ահա եկայ, ստելով արաբի հետ լախտ լախտի, սուր սրի տուին: Շահ-Իսմայէլն Աստուած կանչելով այնպիսի մի լախտ հասցրեց, որ արաբի ձին վայր ընկաւ տիրոջն իր հետ վար գլորելով: Շահ-Իսմայէլը թռաւ ձիուց և այն է ուզում էր արաբի գլուխը դաշոյնով կտրել, երբ արաբն յանկարծ երեսի դիմակը վերցրեց, Շահ-Իսմայէլը տեսաւ որ այդ արաբ ասածդ ոչ այլ ինչ է, եթէ ոչ մի տասնուհինգ օրեայ լուսին, մի աննման աղջիկ. բոլորովին չըսպասելով այդպիսի մի գեղեցիկ օրինորդի հետ գործ ունենալը, Շահ-Իսմայէլը նրա սպիտակ դէմքից ապշած ու բզմայած, խեղճը տուեց ու վայր ընկաւ ձիուց ուշաթափ: Արաբն ասաց.—«Ես այժմ իմ տէրը գտայ.» հրամայեց իւր նաժիշտներին, որ սառը ջուր բերեն. ջուրը բերին և սրակելով Շահ-Իսմայէլի երեսին, ուշքի բերին բոլորովին հիասթափուած. Շահ-Իսմայէլը թեւ թեւ տալով Արաբ-Իւզանկու հետ սանդուխտներով բարձրացան վերելի յարկում մի շքեղ սենեակում նստեցին:

Շահ-Իսմայէլն այդ տան մէջ հինգ-վեց օր կերաւ ու քաւականին ուրախացաւ: Մի օր սրտից այնպէս մի անքաշեց, որ թէ իրան և թէ արաբին շատ տխրեցրեց. իսկ արաբը դառնալով նրան հարցրեց—«Թնչ է պատճառը, որ այդպէս տխուր անի ես քաշում, թնչ ցաւ ունիս, տէր իմ, ասո՛ ինձ: Շահ-Իսմայէլը պատասխանեց.—«Իմ այստեղ գա-

լուս պատճառը մի մեծ ցաւ է և եթէ այդ ցաւը բառնամ սարերի վերայ, չեն կարող տանել: Ես զրկուել եմ աննման և նազելի ընկերից. մինչև նրան չգտնեմ, ոչ ոքի չեմ կարող տալ իմ ձեռքը: Արաբը դարձեալ հարցրեց Շահ-Իսմայէլին—«Իսկապէս թնջ է քու ցաւիդ պատճառը, մանրամասն կերպով պատմիր, կարող եմ քու ցաւիդ մի՞ճար անել»: Շահ-Իսմայէլը պատասխանեց—«սիրելիս, իմ ցաւս թիւրքմէն Իւրիւք բէկի աղջիկ Գիւլիզարն է: Նա իմ նշանածն էր մայրը չլսեալստանալով, առաւ աղջկան փախցրեց. բայց չգիտեմ, ո՞ր կողմն է: Ես էլ նրա յետևից ընկած որոնում եմ: Ահա այս կողմերը գալով քեզ հանդիպեցի, եթէ մի տեղեկութիւն ունիս նրա մասին ասա գնամ». արաբն ասաց, սիրելի, եթէ այդպէս է, քեզ հետ միասին գալով կորոնենք և որտեղ որ է կգտնենք քո սիրելին: Մի հոգի ունիմ, պատրաստ եմ քեզ համար գոհելու, այս խօսքերից յետոյ պատրաստուեցին և հետևեալ օրը ընկան ճանապարհ դէպի Հնդկաստան: Քառասուն օր շարունակ ճանապարհորդելուց յետոյ, վերջապէս հասան Հենդ քաղաքը: Այդ քաղաքի մէջ ման գալով վերին թաղերում մի պառաւ կնոջ հանդիպեցան: Սօտեցան նրան բարեկեցին ու ասացին—«մայրիկ, այս գիշեր քեզ հիւր պէտք է լինինք». պառաւը «շատ լաւ, ասաց, բայց ձեր ձիերին յարմար տեղ չունիմ տեղաւորելու»: Շահ-Իսմայէլը ձեռքը տարաւ գրպանը մի բուռ ոսկի տուեց պառաւին: Պառաւը ոսկիքը տեսնելու պէս ասաց.—«որդիքս, այս տան տալ մի լաւ ախոռ կայ ձիերիդ յարմար: Ձիերը ախոռում կապելով՝ հիւրերը բարձրացան վերև և մի լաւ սենեակում իջևանեցին: Երեկոյեան ընթրիքից յետոյ պատրաստուած էին ննջելու: Մէկ էլ յանկարծ թմբուկի և սրնգի ձայներ լսուեցին:—Այս թնջ ուրախութեան ձայներ են, հիւրերն հարցրին պառաւին—«որդիքս, մեր թագաւորը մի որդի ունի, անցեալները երբ թիւրքմէնների Իւրիւք բէկը այստեղ եկաւ, մեր թագաւորը նրա Գիւլիզար անունով աղջիկը իւր որդուն

ուղեց): Աղջիկը այսպէս պատասխանեց—«ես քառասուն օր սուղ պիտի պահեմ, բայց քառասուն օրը լրանալուց յետոյ միայն պիտի պսակուեմ նրա հետ»: Թագաւորի որդին չկարողանալով այդչափ երկար համբերել, ամեն երեկոյ այսպէս նուագածութիւններով է անցկացնում իւր տխուր ժամերը: Այս երեկոյ տասն և հինգերորդ երեկոն է: «Շահ-Իսմայէլը արիւնը գլուխը խփեց, սկսեց արաբի կրեսին նայել: Արաբն ասաց.—«Հոգս մի անիլ, Աստուած ողորմած է, նա շատ լաւ էր կարգադրել ամեն բան»: Ամբողջ գիշերը Շահ-Իսմայէլի քունը չտարաւ, մտածմունքների մէջ լուսացրեց: Բարի լսին երկուսն էլ վերկացան տեղերից: Արաբը իւր գեղեցիկ հանդերձներից հագցրեց պառաւին, մի քանի ոսկի էլ ընծայեց: Շահ-Իսմայէլն էլ Գիւլիզարից նշան վերցրած ոսկի սանդղը գրպանից հանելով տուեց պառաւին և ասաց.—«Մայրիկ, այս սանդղը պէտք է մի կերպ Գիւլիզարին հասցնես, զիտես շատ շուտով, և անհամբեր պատասխանի եմ սպասում: Այս ասելուց յետոյ պառաւին ճանապարհ դրին: ձաբպիկ պառաւը շատ չարչարուելուց յետոյ եկաւ վերջապէս հարսանեաց տունը գտաւ. ուզում էր սանդուխտներից վեր բարձրանալ Գիւլիզարին տեսնելու. պահապանները արգելեցին ասելով—«այ կին, ո՞վ ես դու, թնջ ես ուզում»—պառաւը պատասխանեց. «ես թագաւորի որդու կողմիցն եմ գալիս, պէտք է Գիւլիզարի հինան ներս տանեմ: Զինուորները նրան ճանապարհ տուին, պառաւը սանդուխտներից վեր բարձրացած ժամանակ հանդիպեց Գիւլիզարին: Աղջիկը լսելով պառաւի բերանից հինայի անունը, սաստիկ բարկանալով ասաց.—«շուտ վայր ձգէ ձեռքիդ հինայի թասը և շուտով հեռացիր, եթէ չես ուզում սանդուխտներից վայր գլորուել: Պառաւը առանց ժամանակ կորցնելու իսկոյն գրպանից հանեց Շահ-Իսմայէլի տուած սանդղը և ցոյց տուեց. երբ Գիւլիզարը իւր սանդղը տեսաւ, մօտը գտնուող աղջիկներին հրամայեց հեռանալ: Գանչեց պառաւին հրաւիրեց նստելու և

հարց ու փորձ անելով ասաց. — «Ես քեզ վաղուց էի որոնում. ասա շուտով, ով տուեց քեզ այս սանդղը, որտեղից ես ձեռք բերել»։ Գիւլիզարի հարցին պառաւը պատասխանեց — «քո սիրահար Շահ-Իսմայէլը այս գիշեր իմ տանս հիւր էր։ Գիւլիզարը Շահ-Իսմայէլի անունը լսելուն պէս, սաստիկ ուրախութիւնից փաթաթուելով պառաւին ասաց. — «Արի, իմ սիրելի մայրիկս, շաքարից անուշիկս և լսիր ինձ, ես այսօր պէտք է գնամ արքայական այգին զըծոններու, մինչև երեկոյ այնտեղ կլինեմ, քնա նրան իմաց տուր, որ երեկոյեան գոյ այնտեղ և ինձ գտնի. պառաւը վերադարձաւ իւր տունը և այս ուրախալի լուրը հաղորդեց Շահ-Իսմայէլին։ Արաբն ու Շահ-Իսմայէլը պառաւի բերած բարի համբաւների համար շատ ուրախացան և դարձեալ վարձատրեցին նրան առատապէս։ Անհամբեր սպասելուց յետոյ, վերջապէս հասաւ երեկոն։ Երկու ընկերները ձիերը հեծնելով ճանապարհ ընկան դէպի արքայական պարտէզը. երբ հասան այնտեղ, Գիւլիզարը և Շահ-Իսմայէլը միմեանց տեսան։ Ինչպէս գառն ու ոչխարը իրար կհամդիպեն, այնպէս էլ սրանք կտրօտ սրտով հանդիպեցին միմեանց և մէկ մէկու պարանոցով փաթաթուելով երկար ժամանակ չէին ուզում շոկուել։ Մի քանի ըոպէ լուռ մէկ մէկու երես նայելով, վերջապէս Շահ-Իսմայէլը ինքն իրան հաւաքեց, եւանդի գալով սաղն առաւ ձեռքը, տեսնենք ինչ է երզում և Գիւլիզարը ինչ է պատասխանում երգով։

Շ Ա Հ - Ի Ս Մ Ա Յ Է Լ Ը

Տեսնում եմ որ նորահարս ես դարձել զուռ,
 Հագել, զարդարուել ես կարմիր ու ձերմակ,
 Փունջ ես կապել ծաղիկներից գոյնզգոյն,
 Ինձ ընծայ ես բերել վարդ ու մանուշակ։

Գ Ի Ի Լ Ի Ջ Ա Բ Ը

Քեզնից շոկնուելով ես չեմ խնդացել,

Քեզ մօտ է նշանս, զուռն բարով եկար,
 Հաւատացիր, ոչ ոքի խօսք չեմ առելի,
 Իմ դեղ դարմանս, զուռն բարով եկար։

Շ Ա Հ - Ի Ս Մ Ա Յ Է Լ Ը

Քեզանի կաքաւ ես, քայլը սիգածէմ,
 Հասակդ վայելուչ, նայուածքդ վսեմ,
 Շատ վաղուց է քաղցր ձայնդ լսել չեմ,
 Խօսիր, կեանք տուր ինձի սիրելի տատրակ։

Գ Ի Ի Լ Ի Ջ Ա Բ Ը

Երկար ճանապարհիդ մնաց աչքերս,
 Ուրախ լուր չբերեց իմ թղթաբերս,
 Իմ քաջ բարեկամս, անկեղծ ընկերս,
 Մեծափառ իշխանս, զուռն բարով եկար։

Շ Ա Հ - Ի Ս Մ Ա Յ Է Լ Ը

Շահ-Իսմայէլն այսօր սիրտը կբանայ,
 Իւր սիրելին նրան նորից կեանք կտայ,
 Գնանք շուտով՝ որ թշնամին չիմանայ,
 Նա հզօր է, մեզ կ'լինի հակառակ։

Գ Ի Ի Լ Ի Ջ Ա Բ Ը

Առանց քեզ օրերս անցնում են խաւար,
 Պալտեանդ կապսէի անդադար,
 Գիւլիզարը թող գոհ լինի քեզ համար,
 Աներկիւղ պաշտպանս, զուռն բարով եկար։

Այս երգից յետոյ Շահ-Իսմայէլը արաբին աչքով արաւ Արաբ-Իւզանիու տունը Աստուած շինէ, ինքը սև, շորերը սև, նժոյգը սև, թուաւ ձիու վրայ նստաւ և այնպէս քոռա-

լով վերայ հասաւ որ Գիւլիգարի մօտ գտնուող աղջիկները կարծեցին թէ երկնքից մի հրեշտակ էր որ եկաւ Գիւլիգարին քաշելով գաւակը Շահ-Խամայելի հետ թուան անհետացան: Սրանք գնացին շարունակ առանց հանգստանալու, վերջապէս քաղաքից շատ հեռու մի սառն աղբիւրի մօտ վեր եկան հանգստանալու: Աղբիւրի մօտ մարգագետին կար շրջապատուած գեղեցիկ բարձրահասակ ծառերով: Ձիերին թողին արօտի վերայ, իրանք էլ ծառերի հովանու տակ նստան: Երկար ժամանակ միմեանց հետ սիրալիր խօսքեր փոխանակելուց յետոյ, արաքն ասաց. — «Տէր իմ, գու յոգնած կլինիս, Գիւլիգարի հետ մի քիչ քնեցէք, հանգստացէք, ես ձեզ վերայ կհսկեմ: Թող այստեղ երկու սիրահարուած տղանիները ննջեն արաքի հսկողութեան տակ, մենք ընթերցողի հետ վերադառնանք Հենդ քաղաքը: Տեսնենք այստեղ թէ թագաւորի որդին թնջ է անում: Երբ որ Շահ-Խամայելն ու արաքը Գիւլիգարին փախցրին, նրա աղախիճները շնչասպառ վազեցին թագաւորի մօտ, ասացին — «չգիտենք, երկնքից էր թէ երկրից՝ երկու ձիււորներ թուան մինը սև, միւսը սպիտակ Գիւլիգարին առան ձիու գաւակն ու փախան: Նուտով այգ լուրը հաղորդուեց թագաւորին, սա անմիջապէս հրաման արձակեց, որ քաղաքում ինչքան որ զէնքի կարող մարդիկ կան, շտապով պատրաստուին, որ նոր հարսնացուին փախցրել են, գնան բերեն: Հրամանը կատարուեց. թագաւորի որդին բազմաթիւ զօրքերի առաջ ընկած՝ շտապում էր գտնել իւր հարսնացուն տանող անյայտ թշնամիներին: Մինչև սրանք արիւն քրտինք մտած առաջ էին գնում, Արաք-Իւզանկին սառն աղբիւրի մօտ դեռ հսկում էր քնած զոյգին: Խեղճը շատ պահպանելուց յետոյ տեսաւ, որ չեն զարթնում և արևն էլ սկսել էր թեքուել դէպի արևմուտք, ուզում էր ձէն տալ նրանց, մէկ էլ դիմացի լերան վերայ աչքին ընկաւ զօրքերի և խառնիճաղանճ մարդկանց մի ահագին բազմութիւն: Այդ դէպքից այլայլուած մօտեցաւ, որ Շահ-Խ-

մայելին և Գիւլիգարին զարթեցնէ, բայց երբ տեսաւ որ նրանք հանգիստ քնել են, չուզեցաւ խանգարել նրանց, թողեց հանգիստ ու բոլորովին անվախ սկսեց պատրաստուել: Իւր արաքական սև նժոյգը բերեց մօտ, թուաւ նրա վրայ, ահագին լախոր ձեռին առած, քշեց թշնամու վրայ: Մօտենալով նրան այնպիսի մի սոսկալի աղաղակ ու գոռիւն բարձրացրեց, որ սար ու ձոր թնդաց: Ինչպէս որ քաղցած գայլը մի հօտ ոչխարի մէջ կմտնի, այնպէս էլ արաքը յանկարծ վրայ հասնելով թշնամու զօրքի վրայ, մտաւ նրանց մէջ, յոգնած զինուորներին ահից ու երկիւղից ցիր ու ցան արաւ: Ծանր լախոր առանց աջ ու ահեակ նայելու, պատահողին խփում էր: Այնպէս որ մի մասը կոտորուեցին, միւս մասն էլ երկիւղից փախան իրանց երկիրը հետները տանելով թագաւորի որդուն: Արաքը գոհանալով այսպիսի մի յաջողութիւնից, անվնաս, առանց մի վերքի, կատարեալ յաղթանակով վերադարձաւ իւր ընկերների մօտ: Տեսաւ որ դեռ քնած են, սազն առաւ ձեռքը և իւր գլխով անցածները սկսեց երգով պատմել նրանց:

Սև մէգով պատեցին Հնդկաց սարերը,
Ձարթիւր իմ սիրելիս, տես ինչէր եղաւ,
Կարմիր գոյն ստացան գետեր, քարերը,
Ձարթիւր, իմ սիրելիս, տես ինչէր եղաւ:

Հիմայ լուր կը հասնի, զօրք կուգայ կրկին,
Նրանք էլ ծարաւ են մեր արեանն անգին,
Հազար աղուէտն թնջ կանէ մէկ առիւծին,
Ձարթիւր, իմ սիրելիս, տես ինչէր եղաւ:

Հիմայ սև զօրք կուգայ նոր կազմ բանակով,
Նրանք էլ կուվում են սրով նիզակով,
Ձորերը լցուեցին մարդու դիակով,
Ձարթիւր, իմ սիրելիս, տես ինչէր եղաւ:

Հիմայ շուտով կուգայ քաջ Անգղիացին,
Նրանք շատ զօրեղ են ահարկու, ուժգին,
Եւ նայիր քնչ արեց Արաբ-Իւզանկին,
Չարթիր, իմ նագելիս, տես ինչեր եղաւ:

Երգի ձայնից Շահ-Իսմայէլը գարթնեց: Վեր կենալով ասաց.— «Ո՛հ արաբ, սաստիկ քաղցած եմ, մի քիչ հաց բեր ուտենք: Արաբը տեղից վեր կենալով ասաց.— «հրամայեցէք տէր իմ, մի քիչ վերև գնանք. այնտեղ մի քանի կաքաւ եմ խփել, տես քնչ լաւ խորոված կլինի»: Այս խօսքերը ասելով արաբը՝ Շահ-Իսմայէլի ձեռքից բռնեց տարաւ դիակների մօտ: Շահ-Իսմայէլը երբ տեսաւ այս բանը, սաստիկ սարսափ գգաց, որ առանց իրանց գիտենալուն այդ մեծ գործը կատարուել է: Ուղղակի ձիերի մօտ գալով, հեծան նժուզները և ճանապարհ ընկան: Երկար ու բարակ գնալով, մի օր վերջապէս հասան արաբի ապարանքը: Հինգ, տասն օր այդտեղ հանգստանալուց յետոյ, Արաբ-Իւզանկին սկսեց ճանապարհի պատրաստութիւն տեսնել: Գինը ծանր, քաջը թեթեւ իւր ապրանքներից վեր առնելով, երեքով կրկին ընկան ճանապարհ: Ահա մի օր հասան Գիւլփէրիի եղբայրների բընակարանը: Վերջիններս ողջ առողջ տեսնելով իրանց փեսային՝ երկու ուրիշ հիւրերով, մեծ պատուով ընդունեցին տան վերի յարկում: Հիւրերը հաւաքուեցին Գիւլփէրիի սենեակը ու տեսակցուելով սրա հետ փափուկ գորգերի վրայ բազմեցին: Մի փոքր հանգստանալուց յետոյ, տանտիրուհի Գիւլփէրին իւր քառասուն հիւսերից մէկը սագ անելով դրեց շամամ ծծերի վրայ ու սկսեց երգով բարևել Շահ-Իսմայէլի բարեգալուստը:

Օտար երկրից գալող կտրիչ,
Բարով, հազար բարով եկար,
Ոսկի բերիք, ոչ թէ արճիճ,
Անգին զմրուխտ քարով եկար:

Լացի, թափեցի արտասուք,
Մի քիչ ուրախացայ աժճուս
Մէկի տեղը բերիր երկուս,
Թանկագին աւարով եկար:
Գիւլփէրին մատաղ խնդալուդ,
Ուրախ լուր բերիր մօտալուդ,
Կապասէի քու շուտ գալուդ,
Հագիւ երկու տարով եկար:

Երգն աւարտելուց յետոյ Գիւլփէրին Շահ-Իսմայէլի ձեռքը համբուրեց և նստելով Գիւլփէրի մօտ՝ սկսեց հարց ու բարև անել նրանց հետ: Երեք օր էլ այդտեղ մնալով՝ Շահ-Իսմայէլը Գիւլփէրիին ասաց.— «ճանապարհի պատրաստութիւն տես, որ գնանք Ղանդահար»: Այս լսելով Գիւլփէրին իսկոյն շտապեց եղբայրների մօտ և ասաց.— «Շուտով պատրաստուեցէք որ երթանք»: Եղբայրները պատասխանեցին, «Ո՛չ, քոյրս, մենք քեզ հետ չենք գալու, դու գնա, Ստուուած քեզ հետ» և կատարեալ օժիտ պատրաստելու համար, սկսեցին հոգալ:— Իուք գնալու էք, գնացէք, ձեզ յանձնում եմ Աստուծուն, Շահ-Իսմայէլին ասաց Գիւլփէրիի մեծ եղբայրը, ձեզ բոլորիդ կատարեալ յաջողութիւն ու երջանկութիւն. բարով հասնէք ձեր քաղաքը. այսպիսի խօսքերով ու բարեմաղթութիւններով հինգ եղբայրները ճանապարհ գցեցին Շահ-Իսմայէլին երեք ընկերների հետ:

Ուրախ, հանգիստ ու զուարճութեամբ գնում էին իրանց ճանապարհը չորս ձիաւոր երիտասարդները, ահա մի օր հասան Ղանդահար քաղաքի մօտ, այնտեղի մի գեղեցիկ ամարանոցում իջևանեցին: Մի գեղեցիկ այգում, որը չքեղ զարդարուած էր, մէջը մի երկյարկանի շինութիւն կար ութը սենեակից բաղկացած: Իջան այդտեղ, Շահ-Իսմայէլը ձիերի վրայ բարձած թանգագին ապրանքները ներս բերեց:

տեղաւորեց սենեակներում: Երեք օրիորդներն էլ մտնելով մի պատրաստած սենեակ՝ հանգստանում էին: Այգին Շահ-Իսմայէլի հօրն էր՝ Ասլան թագաւորինը, այգեպանը երբ Շահ-Իսմայէլին տեսաւ իւր երեք գեղեցիկ ընկերուհիների հետ, ոտք ու ձեռք իրար խառնուեց, վազեց դիմաւորելու բարձրացաւ պալատ, ներկայացաւ իւր տիրոջը ու եօթն անգամ գետին խոնարհուելով ու ձեռքերը կրծքին բռնած բարովեց իւր տիրոջը: Շահ Իսմայէլն ասաց — «վաղիր քաղաք, ներկայացիր թագաւոր հօրս աչքալուս տուր մեր մասին, ասան որդիդ եկել է, թող կառք ղրկէ, որ գանք պալատ: Այգեպանը անլայտացաւ: Թող սա վազելով գնայ քաղաք թագաւորին աչքի լոյս տայ և առատ ընծայ ստանայ, մենք մնանք Շահ-Իսմայէլի մօտ: Շահ-Իսմայէլը ոսկեթել բարձերու վրայ թիկնած իւր գեղեցիկուհիներին էր նայում, որոնք միմեանց հետ կատակ էին անում: Արաքն ասում էր Գիւլփէրին — «Գիւլփարը իւր աննման գեղեցկութեամբ զրաւեց Շահ-Իսմայէլին, ինձ էլ իմ քաջութեանս համար, քեզ որ առաւելութեանդ համար բերեց, դու ինչո՞ւ ես պէտք, ոչ այնքան սիրուն ես, ոչ էլ քաջ»: Գիւլփէրին ասաց. — «ներողութիւն, օրիորդ, ես մի այնպիսի շնորհք ունիմ, որ ձեզ ոչ մէկի մօտ չկայ. ես գուշակող եմ՝ վիճակ բաց անել գիտեմ, մեր գլխուն ինչ որ գալու լինի, ես կարող եմ իմանալ, թէ չոր լինի, թէ բարի. Արաք-Իւզանկին ասաց, «որ այդպէս է հիմայ մի վիճակ բաց արա տեսնենք»: Գիւլփէրին վիճակ բաց արեց և ասաց. — «մեր այստեղից ուղղակի թագաւորի պալատ գրնալը լաւ չէ, կամ բոլորովին այստեղից չգնանք կամ եթէ գնալու էլ լինինք, ուրիշ տեղ բնակուինք: Գեռ այս խօսքերը չվերջացրած կառապանը ներս մտաւ, տեսաւ բացի Շահ Իսմայէլից երեք լուսնի կտորներ էլ կային. — «Ինչ էք հրամայում, տէր, խոնարհ գլուխ տալով ասաց Շահ-Իսմայէլին. գնամ էլի երկու կառք բերեմ, թէ այս մէկը բաւական է, Շահ-Իսմայէլը հրամայեց, որ շուտով գնայ դարձեալ

երկու կառք բերէ: «Ասա հօրս, աւելացրեց նա, որ պալատից հեռու մի ուրիշ տեղ պատրաստել տայ, մեր իրերը շատ են, մենք էլ չորս հօգի ենք, չենք ուզում պալատն ելնելով ձեզ էլ, մեզ էլ նեղութիւն պատճառել»: Կառապանը իսկոյն որդու ցտնկութիւնը գնաց իմաց տուեց հօրը պալատում: Թագաւորը հրամայեց մի ջուկ տեղ պատրաստել Շահ-Իսմայէլի համար և կառքերով ու պալատի շատ ծառաներով գնացին Շահ-Իսմայէլին դիմաւորելու. բերին իջեցրին իրանց համար պատրաստած առանձին տունը: Նանապարհօրդական փոշոտ շորերը հանելով սրանք նոր գեղեցիկ հանդերձներ հագան, լուացուեցին, մաքրուեցին և մի փոքր էլ ընթրեցին. հետները բերած իրեղէնները դասաւորեցին ու նրանցից թանգագինները սեղանի վրայ դրին, որ թագաւորն ու թագուհին դալխս՝ տեսնեն, ուրախանան:

Երեկոյ էր. արևն արգէն վաղուց մայրն էր մտել. խաւարի թագաւորութիւնը պատրաստում էր չօքել աշխարհի վրայ. աշնանային գով գիշեր, երկինքը պարզ էր. հօրիգոնի վրայ ոչ մի ամպի կտոր չէր երևում: Կարծես վերին տեսչութիւնից հրամայուած էր, որ ոչ մի սև գիծ չպիտի լինի երկնքի երեսին. մի ամենահրաշալի պայծառ թագուհի պիտի անց կենայ այդ ճանապարհով: Ահա հօրիգոնի արևելեան կողմից վարագոյրը պատուուեց. ահարկու սարերու յետեւից դուրս եկաւ գիշերային թագուհի լուսինը. աստղերն էլ դուրս գալով սկսեցին փայլել: Քաղաքն էլ պակաս չէր իւր շքեղութեամբ երկնքից. պալատից սկսած մինչև յետին աղքատի կտուրի վրայ վառուած էին բազմաթիւ լապտերներ. կարծես իրանց վառվուռն գեղեցկութեամբ երկինք ու երկիրը կուգէին իրար հետ մրցել: Այս բոլոր հանդիսաւոր ցուցերը Շահ-Իսմայէլի համար էին պատրաստուած բայց փոստ, որ չգիտէին թէ շուտով առաւօտ կբացուի, աստղերը կը կորչին, լուսինն էլ կիջնէ, քաղաքի բոլոր լապտերներն էլ կհանգչեն: Եւ ճիշտ որ կէս գիշերն անցել էր, պայծառ

երկնքի վրայ սկսուել էին կուտակուել ամպերը: Լապտերները մարել էին. ձեռ ու ոտ դադարել: Պալատի առաջ ու մօտակայ փողոցներում աղաղակ ու ցնծագին ձայներ բարձրացնող խառնուած ժողովուրդը հեռուները քաջուելով փողոցները ամայացել էին: Լուսինն էլ կարծես երկրի հանդէսի վերջանալը տեսնելով իւր շրջապատող աստղերի հետ մտել էր ամպերի տակ. մի խօսքով տիրել էր խորհրդաւոր լուսթիւն: Այդ միջոցին թագաւորն ու թագուհին կառք նստելով ուղևորուեցին դէպի ներքին պալատը, Եւս-Իսմայէլին և հարսնացուներին տեսնելու: Եւս-Իսմայէլը իմանալով որ իւր ծրնողները իրանց տեսութեան են գալիս՝ իսկոյն պատրաստուեց և իւր գեղեցիկների հետ սանդուխտներից վար իջնելով դուռը դիմաւորեցին նրանց: Ետ սիրալիւր հանդիպումից յետոյ, նրանց թւերն ընկնելով, բարձրացրին վերև ու բազմեցրին մարգարտագարդ գահակների վրայ. ծառաները ոսկեայ մատուցարանի վրայ դրուած շինական սկահներով արաբից սուրճ մատուցին թագաւորին և թագուհուն, Եւս-Իսմայէլին և երեք օրիորդներին: Թագուհին ուրախութիւնից լացէր լինում. լացէր լինում և Եւս-Իսմայէլը որ ծնողների ձեռքերը թողած ոտքերն էր համբուրում: Թագաւորի ուշադրութիւնը աւելի գրաւել էին իւր հարսնացուները, շարունակ նրանց երեսին էր մտիկ տալիս: Ո՞վ լինէր, չէր նայիլ այդպիսի գեղեցիկներին. մէկը մէկից սիրուն, մէկը մէկից պարկեշտ, մէկը մէկից խելօք: Երեքն էլ գեղեցիկ յատկութիւններով օժտուած էին. Արաբ-Իւզանկին շատ քաջ էր և անձնազօհ: Գիւլփէրին շատ հասուն ու խորագէտ էր: Գիւլիզարը, սրա տունը Աստուած շինէ, մարդ արա երեսը չէր կարող երկու անգամ մտիկ տալ, անշուշտ նայողի աչքերը կշլանար, այնքան աննման գեղեցիկութիւն ունէր: Մարդ եթէ ոչ ուտէր, ոչ խմէր ու միայն սրա երեսը մտիկ տար, երէք քաղցածութիւն չէր զգալ: Գիւլիզարը կարծես գրախտի ծնուած յաւերժահարս լինէր:

Ինչպէս որ սատանան օձի կերպարանքով Եւսին խաբեց, այնպէս էլ չար նախանձը ու կիրքը սատանայի հագուստով մտաւ թագաւորի հոգու մէջ, սկսեց տակ ու վրայ անել: Թագաւորը մտքի մէջ ասում էր «կամ ես պէտք է ապրիմ կամ Եւս-Իսմայէլը: Այս աննման գեղեցիկները ես պիտի առնեմ»: Տեղերից վեր կենալով թագաւորն ու թագուհին կիսաբերան մնաս բարով ասելով վերադարձան պալատ:

Հետեւեալ օրը թագաւորը իւր մօտ կանչեց վէզիրին և ասաց—«Եւս-Իսմայէլի գլուխը քեզանից կուգեմ. անպատճառ պէտք է նրան սպանես ու աղջիկները բերես պալատ»: Վէզիրը սոսկում էր տէրից և կարճ լուսթիւնից յետոյ ասաց—«Թագաւորն ապրած կենայ, այդ քնչ ես հրամայում, մարդ իւր միակ որդին կսպանէ, չէ որ այդ օրիորդները քու հարսներդ են, հարսն քնչ, զաւակն ինչ: Մի անել այդ բանը, Տէր արքայ, մի անել, վերևում Աստուած կայ, քեզ վրայ կբարկանայ: Ի սէր Ալլահի հեռացիր այդ վատ ճանապարհից դա քեզ կորուստ կտանի»: Թագաւորը որ չէր սպասում մի այդպիսի ընդիմադրութիւն, ասաց—«Եթէ իմ կամքը չես կատարում, ես իսկոյն քո գլուխը կտրել կտամ ու գիակդ շներին արժան կանեմ»: Խեղճ վէզիրը տեսաւ որ ոչ մի կերպ չի կարող համոզել իւր տիրոջը, ասաց նորան. «Արքայ, Եւս-Իսմայէլը հեշտ կերպով ձեռք գալող պտուղ չէ, պէտք է մի կերպով գրա հնարը գտնենք»: Թագաւորը պատասխանեց.—«այդ թողնում եմ քեզ». վէզիրը շարունակեց «արքայ Տէր, վաղը մի հրաւեր կը սարքես, Եւս-Իսմայէլին էլ կկանչես ու նրա բաժին կերակուրները կթունաւորես, գուցէ դրանով կարողանաս նպատակիդ հասնել»: Հետեւեալ օրը պալատում մի ճոխ խնձոյք սարքուեց. Եւս-Իսմայէլին՝ ի հարկէ հրաւիրուած էր. կանխապէս իմացնելով գաղտնապահ խոհարարապետին, որ Եւս-Իսմայէլի բաժնի մէջ թոյն խառնէ, թագաւորն ու վէզիրը միամիտ էին, որ այդ փոր-

ձը յաջողութեամբ գլուխ կգայ: Եւս-Իսմայէլը երբ պատրաստուում էր գնալ, Գիւլփէրին մի վիճակ բաց արեց, տեսաւ որ իր տիրոջ գլխին մի փորձանք կայ դալու, հանելով իւր մատից դեղթափ մատանին տուեց Եւս-Իսմայէլին և ասաց— «Քու բաժին կերակուրները թունաւորուած է, այս մատանին նրանց վրայ պտտացուր, յետոյ կեր և ոչ մի բան չի լինի քեզ»: Եւս-Իսմայէլը մատանին զրպանը դնելով գնաց պալատ: Թագաւորը շատ սիրով ընդունեց և նստելու տեղ ցոյց տուեց իւր որդուն. մի քիչ խօսակցութիւններ և զուարճութիւններ անելուց յետոյ՝ նստեցին սեղան: Եւս-Իսմայէլը Գիւլփէրիի ասածի համեմատ բոլոր կերակուրների վրայ մատանին պտտեցրեց յետոյ կերաւ, ճաշկերոյթից յետոյ, հօր ձեռքը համբուրելով և շնորհակալութիւն յայտնելով գնաց իւր բնակարանը:

Թագաւորը տեսնելով որ Եւս-Իսմայէլը չը մեռաւ, վեգիրին ատեան կանչելով ասաց. — «քո մտածածդ հնարը ոչ մի յաջող ելք չունեցաւ, տուածդ թոյնը ներգործութիւն չարաւ որդուս վերայ»: Վէգիրը ասաց— «Թագաւորն ապրած կենայ, Աստուած որ մի մարդու մահն չկամենայ, տկար արարածն քնչ է որ նրան մահացնել կարողանայ»: Թագաւորն ասաց. — «ես հրամայում եմ որ այդ մարդը աշխարհում կենդանի չմնայ, դրա գոյութիւնը վերջացնելու համար մի ուրիշ հնար մտածիր»: Վէգիրը այդ ժամանակ մի ուրիշ հնար մտածելով ասաց. «Տէր արքայ, ինչպէս դու, այնպէս էլ Եւս-Իսմայէլը լաւ նարդի խաղալ գիտէ, կանչիր նրան պալատ և խաղացէք. եթէ նա տարաւ, ոչինչ կհամարես. եթէ դու տարար ձեռք ու ոտք կապել կուտաս և նպատակին կը հասնես»: Չանցած երկու օր Թագաւորը Եւս-Իսմայէլին հրաւիրեց պալատ. Եւս-Իսմայէլը անմիջապէս ուղևորուեց հօր մօտ, բայց որովհետև Գիւլփէրին տկար էր այս անգամ չկարողացաւ վիճակ բաց անել: Երբ Թագաւորը Եւս-Իսմայէլին տեսաւ, սիրով ընդունեց և ասաց— «սիրելիս, այսօր շատ

տխուր եմ, քեզ կանչեցի որ մի քիչ նարդի խաղանք, ուրախանանք: Եւս-Իսմայէլը երեք անգամ իրար վրայ կրեց հօրը, բայց տեսաւ որ հայրը բարկանալ սկսեց, ուղեցաւ դիտմամբ մի անգամ էլ ինքը տարուել և տարուեց. Թագաւորը հրամայեց, որ որդու ձեռքերը կապեն: Հրամանը կատարուեց, քեզ համար որդի, ասում են շատ ուժեղ ես, թէ որ այդպէս է այս կապերը կտրատիր տեսնեմ. Եւս-Իսմայէլը բոլոր ոյժով թևերը ձգձգելով, այն հաստ պարանները, բարակ դերձանի նման կտրատել սկսեցին: Թագաւորը զարմացմամբ ասաց. — «որդիս, ապրիս, լաւ ուժեղ ես, ասա այս աշխարհում ապա ինչը կարող է զսպել քու ուժը. «իմ աղեղիս լարերը, արքայ հայր», պատասխանեց նա հրամայեց իսկոյն աղեղի լարերը բերել այդտեղ: Եւս-Իսմայէլը լարերը առնելով ինքն իրան փաթաթեց մատներին ու սկսեց քաշքշել: Բայց փոխանակ լարերի՝ նրա մատների շլերն էին կտրատուում: Թագաւորը տեսնելով այդ, դիւական ուրախութեամբ հրամայեց այդ լարերով կապկապել նրա ամբողջ մարմինը: Այդպէս էլ արին: Եկան դահիճները և տիրոջ հրամանով պատրաստուում էին Եւս-Իսմայէլի գլուխը կտրելու: «Պարոններ, մի երկու րոպէ ինձ թոյլ տուէք, երկու խօսք ասեմ հօրս յետոյ կտրեցէք, քնչ անենք այսպէս էր կարգադրել Տէրը, բոլորովին հիասթափուած ասաց Եւս-Իսմայէլը, ու իւր արիւնոտ մատները սազ անելով երգեց այսպէս:

Քեզանից մեծ երկնքումը Աստուած կայ,
Զրկանք է արքայ հայր, մի սպանիլ ինձ,
Կանչէ մօրս այստեղ, թող իմ վրաս լայ,
Զրկանք է, արքայ հայր, մի սպանիլ ինձ:

Քեզի այլայլողը այլոց խօսքեր է,
Չէ որ որդին հօրը երկրորդ պատկերն է,
Մարդու շէնք ու շնորքը երկու աչքերն է,
Զրկանք է, արքայ հայր, մի սպանիլ ինձ:

Չէ որ քու ժառանգդ եմ քեզանից եղած,
Մի լինիր, ծնողս, անգութ, անաստուած.
Այդ բանը չի անել ոչ մի արարած,
Զրկանք է, արքայ հայր, մի սպանիլ ինձ:

Իմ լեզուով ինձ համար գործեցի դարան,
Բռնուեցայ անփորձ թռչունի նման,
Կապկապեցիր, արիր ինձ կիսակենդան,
Զրկանք է, արքայ հայր, մի սպանիլ ինձ:

Մի լինիլ, իմ հայրս, որդուդ չարակամ,
Կզղջաս դու, կհառաչես ամեն ժամ,
Աղատիր ինձ Գիւլիզարս քեզի տամ,
Զրկանք է, արքայ հայր, մի սպանիլ ինձ:

Յետ առ հայրիկ, յետ առ այդ խօսքերդ դու,
Մի գործ դնել հրամանդ ահարկու,
Մի կտրիր քո տնկած ծառդ պողատու,
Զրկանք է, արքայ հայր, մի սպանիլ ինձ:

Այս երգը բոլորովին ազդեցութիւն չարաւ քարասիրտ թագաւորի վրայ: Հրամայեց շուտով գլխատել նրան: Երբ դահիճները Շահ-Իսմայէլին տանում էին գլխատման տեղը, բոլոր ժողովուրդը ոտքի կանգնեց: Քաղաքի մեծամեծները ժողովուրդի առաջն ընկած եկան թագաւորի ատեան, միաբերան խնդրեցին որ Շահ-Իսմայէլի կեանքը իրանց բաշխէ: Թագաւորը շատ դիմադրելուց յետոյ վերջապէս ասաց: «Կեանքը ձեզ եմ տալիս, բայց անպատճառ նրա երկու աչքերը պիտի կուրացնել տամ»: Շահ-Իսմայէլին տարան որոշեալ տեղը ոճիրը գործելու. սա խնդրեց որ աչքերը հանելուց յետոյ աջ աչքը ձախ գրպանը ձգեն, ձախ աչքը աջ գրպանը. դահիճները Շահ-Իսմայէլի երկու աչքերն էլ բրելով նրա առածի համեմատ կատարեցին խնդիրը: Այս բարբարոսու-

թիւնից յետոյ բռնելով նրա ձեռքից գիշերով տարան նրան քաղաքից դուրս մի ամալի և անմորգաբնակ այգում ձգելով դահիճները վերադարձան պալատ: Թող Շահ-Իսմայէլը այդ տեղ իւր սև աչքը լայ, մենք ընթերցողի հետ գնանք Արաբ-Իւզանկու, Գիւլիզարի և Գիւլիէրիի մօտ: Խեղճ աղջիկները տեսնելով որ երկու օր է Շահ-Իսմայէլը պալատ չի վերադառնում, սկսեցին սաստիկ մտատանջուել և կասկածի մէջ ընկնել. Գիւլիէրին այդ ժամանակ վիճակ բաց արեց և քննեց տեսաւ, իրանց տէրը մի պարտիզում ընկած է և ագուաւները նրա գլխին հաւաքուած, կտցահարելով փորում են նրա աչքերը: Արաբը սաստիկ բարկանալով ասաց, այժմ ես լաւ հասկացայ գործի էութիւնը:

Թագաւորը տեսնելով որ Շահ-Իսմայէլը՝ մէջ տեղից վերացաւ, հրամայեց որ գնան իսկոյն երեք աղջիկներին էլ բերեն իւր մօտ: Պալատից երեք ներքիններ գալով Արաբ-Իւզանկուն յայտնեցին թագաւորի հրամանը. Արաբը պատասխանեց, իմ կողմից թագաւորին շատ բարև կտանէք ու կասէք թէ՛ Արաբ-Իւզանկին ասաւ, մենք էլ մարդ ենք, մեզ համար պատիւ ունինք այսպէս մէն մէնակ չենք կարող գալ, թող մեզ համար հարիւր հատ աղախիներ մեզ առաջնորդելու և հարիւր հատ մշակներ մեր կահ-կարասիները տեղափոխելու ուղարկէ, այն ժամանակ կգանք: Ներքինները գնալով պալատ թագաւորին յայտնեցին Արաբի պատուէրը: Թագաւորը չափազանց ուրախացած հրամայեց շուտով հաւաքել հարիւր աղախիներ ու հարիւր էլ մշակներ ու գնան հարսներին պալատ հրաւիրելու: Աղախիները ու մշակները եկան բոլորը Արաբ-Իւզանկու դուռը կանգնեցին: Արաբն էլ աղախիներին ներս հրաւիրելով մշակներին ասաց. «դուք այդտեղ սպասեցէք, մինչև որ ձեր բռնները կպատրաստեմ»: Արաբը աղախիներին մէկ մէկ ներս կանչելով բոլորի գլուխները կտրեց և մարմինների հետ դնելով շուալների մէջ, բերանները պինդ կապեց, ինքն էլ դուրս գալով

դռանը մի աթոռի վրայ նստեց ու հրամայեց որ մշակները զգուշութեամբ առնելով ջուալները, կամաց կամաց գնան պալատը, որպէս զի միջին թանկագին ապակեղէնները չը փշրուին: Մշակների գնալուց յետոյ Արաբ-Իւզանկին մտաւ իւր սենեակը, սև դիմակը դրեց, տղամարդու շորերը հագաւ, զէնքերը կապեց ու եկաւ դարձեալ այն աթոռի վրայ նըստեց: Մշակները մեծ զգուշութեամբ բռնները տանելով թագաւորի պալատը ցած իջեցրին դիւանատան մէջ տեղը: Թագաւորը այդ ահագին բռնները տեսնելով չափազանց ուրախացաւ, կարծելով թէ այդ չափը թանկագին գանձեր են: Շտապեց իւր մօտ կանչել բոլոր մեծամեծներին ու ազնուականներին, սկսեցին մեծ հետաքրքրութեամբ ջուալների բերանները բաց անել տալ: Ինչ մեծ զարմանք էր, որ տիրեց թագաւորին ու իւր շրջապատողներին. ամեն մի ջուալի միջից դուրս էր գալիս նրա ուղարկած աղախիններից մէկը գլխատուած և գլուխն էլ հետը դրուած: Չափազանց բարկացաւ, կատաղեց, գոռաց Ասլան թագաւորը և հրամայեց իսկոյն վաշտ զօրքով գնան կտոր կտոր անեն այդ գործը կատարողներին: Հրամանը կատարուեց. մի վաշտ զօրք մեծ պատրաստութեամբ առաջ գնաց Արաբի կացարանը և սկսեց պատերազմը: Արաբը որ սպասում էր այդ բանին, բոլորովին չվախեցաւ, թուաւ իւր նստած տեղից սուրը բացեց, բոլոր ուժը հաւաքելով, այնպիսի մի ահեղ գոռիւն գոչիւնով մտաւ զօրքերի մէջ որ ամենին շփոթեց ու դրանցից մէկը հազիւ կարողացաւ ազատուիլ ու բանի էութիւնը յայտնել թագաւորին: Թագաւորի կատաղութեանը չափ չկար, մի վաշտ զօրք դարձեալ ուղարկեց յանդուգն թշնամու դէմ, բայց արաբը դրանց էլ խոտի պէս քաղելով վար թափեց: Քաղաքի առաջաւոր ժողովուրդը և մեծամեծները սաստիկ զայրացած այդ գործի վերայ, մի տեղ ժողով կազմեցին այդ արկածի մասին խորհրդակցելու: Իրանց միջից մի մարդ տեղից վեր կենալով ասաց. «Մեր թագաւորն ինչո՞ւ է Աստուծոյ ժողո-

վրդին փորձանքի ենթարկում ու կոտորել տալիս: Սրան մի էլք գտնելու հնար մտածեցէք: Մեծամեծներից մէկն ասաց. «սրա էլքն այն է, որ նորից զօրք ուղարկենք: Ժողովուրդը և թագաւորը այս առաջարկութեանը հաւանութիւն տալով զօրքերի թիւը շատացնելով ուղարկեցին Արաբի վրայ: Արաբը ցրանց էլ յաղթեց ու ցիր ու ցան արաւ: Վերջապէս չգըտնուեց մի մարդ, որ սրան խեղճացնէր: Թող սրանք դարձեալ պատերազմի հոգս քաշեն, մենք գնանք խղճալի Շահ-Իսմայէլի մօտ: Շահ-Իսմայէլը աւերակ պարտեցի մէջ ընկած, աչքերը զրկուած տեսողութիւնից, սիրտը տխուր, մի օր սաստիկ յուզուած, ծառերի ճիւղերից մէկը սազ անելով սկսեց երգել: Այժմ տեսնենք Շահ-Իսմայէլն թնջ է երգում և կարգացող բարեկամները թնջ են լսում Աստուած մարդը տմարդին կարօտ չանէ. ամէն:

Ով երկնային Աստուածաշէն սուրբ Խորան,
Խնդրում եմ աչքերիս մի ճար անես դու,
Երկնքի և երկրի մեծ տէր ու պաշտպան,
Խնդրում եմ աչքերիս մի ճար անես դու:

Մովսէսին ուժ տուի՛ր եղաւ ահարկու,
Մինչև անգամ չունէր նա ճարտար լեզու.
Ով երկնային բժիշկ անմահ կենսատու,
Խնդրում եմ աչքերիս մի ճար անես դու:

Քու կամքով Յովնանը ծովի մէջ մտաւ,
Քու կամքով դլփինը նրան կուլ տուաւ,
Զկի փորում դարձեալ քեզ չմոռացաւ,
Խնդրում եմ աչքերիս մի ճար անես դու:

Անգութ անխճմտանք հօրից հալածուած,
Անտէր անտիրական այստեղ եմ ընկած,
Տկարներու պաշտպան ստեղծող Աստուած,
Խնդրում եմ աչքերիս մի ճար անես Իու:

Շահ-Իսմայէլն այսօր կանէ աղաղակ,

Դէպի քեզ, ո՛վ երկինք, ազատ համարձակ,
Հասիր օգնութեանս, սրտագէտ Էակ,
Խնդրում եմ աչքերիս մի ճար անես Դու:

Երբ որ Շահ-Իսմայէլը այս ցաւալի երգը վերջացրեց մի գոյգ ոսկէփետուր աղաւնիներ օդի մէջ սաւառներով գնում էին: Թռչելով, թռչելով եկան Շահ-Իսմայէլի գլխի վերևում մի ծառի վերայ կանգնեցին: Շահ-Իսմայէլը լսեց սրանց ճըլ-վըլոյցը, որ կարծես խօսում էին ու ցաւ յայտնում թէ, ճշմարիտ որ շատ ափսոս եղաւ Շահ-Իսմայէլը, խղճալու աչքերը հանելով այտեղ են գցել, ահա մենք մեր փետուրներից երկու հատ կգցենք գետին, եթէ կարողանայ գտնել ու աչքերին քսել, Աստուծոյ կարող զօրութեամբ աչքերն իսկոյն կբացուին: Բայց ափսոս որ մենք նրա լեզուն չենք հասկանում որ կարողանանք ցաւին մի դարման անել: Ափսոս, շատ ափսոս Շահ-Իսմայէլին, ասելով թռան գնացին: Շահ-Իսմայէլը հասկացաւ այդ թռչունների խօսակցութիւնը. աղաւնիներից այս խօսքերը իմանալով՝ ձեռքերը դէս ու դէն ածմծեց, գետնից գտաւ այն երկու փետուրները, գըրպաններից աչքերը հանեց՝ աջը ձախ տեղ, ձախը աջի տեղ դնելով փետուրներն սկսեց նրանց վրայ քսել: Տեղից վեր կացաւ, մօտեցաւ այգու սառն աղբիւրին և լուացուեց: Լուացուելուց լետոյ չոքեց և սկսեց սրտանց աղօթք անել: Ահ հրաշք, Աստուածային ողորմութեամբ խաւարը վերացաւ ու աչքերն սկսեցին տեսնել: Խեղճ ու մոլոր չորս կողմը նայելով՝ դիմացը մի ծերունի տեսաւ արտ վարելիս: Ուղղակի գնաց այդ ծերունու մօտ ու բարև տալով ձեռքը համբուրեց. (մինչև նրա հասնելը Շահ-Իսմայէլը պատահեց մի հովուի իւր շորերը փոխեց նրա հետ, մի գառի մորթի էլ գլուխն անցընելով, բոլորովին իւր ձեռք փոխեց): Արտ վարող գիւղացին էլ բարևն արաւ. Շահ-Իսմայէլն ասաց. «հայր իմ, խնդրում եմ ինձ քեզ որդեգիր ընդունես». ծերունին պատասխանեց. «Որդի հիմա այնպիսի ժամանակ ենք հասել

որ հայրը իւր հարագատ որդուց չի կարող օգուտ քաղել, ո՛ւր մնաց թէ օտարից: Աստուած բարի տայ ու խիղճ տայ մեր թագաւորին, երիտասարդ մարդ չթողեց կոտորել տուեց, իւր միակ որդուն կուրացնելով ուզում էր նրա բերած կայքը առնել, բայց յանկարծ մի արաբ դուրս եկաւ նրանց պաշտպան և սկսեց բոլոր իր դէմ գնացողներին կոտորել: Ես էլ երեք որդի ունէի որոնք այդ պատերազմի մէջ մեռան: Բայց որովհետև շատ ես թախանձում, քեզ վերցնում եմ ինձ որդեգիր: Շահ-Իսմայէլը կատարեալ հովիւ էր դարձել, ցնցոտիների մէջ բոլորովին չէր նմանում որ թագաւորի որդի է: Աչքերն էլ առողջանալու ժամանակ փոխուել խաժակ էին դառել: Հինգ-տասն օր ծերունիի հետ գնում էին արտը, արտից տուն, մէկ օր էլ տուն գնալով տեսան որ թագաւորն էլի սուրհանդակ է ուղարկել և նոր մարդիկ է գէնքի կանչում: Այս բանը Շահ-Իսմայէլը տեսնելով ծերունուն շատ խնդրեց, որ իրան զինուոր գրել տայ: Ծերունին շատ դիմադրեց, լետոյ տեսաւ որ չի լինի, Շահ-Իսմայէլի համար մի ձի, մի ձեռք գէնք գնեց, մի քանի դահեկան էլ փող նուիրելով խառնեց զօրքի մէջ:

Զօրքը գնալով, գնալով հասաւ մի բլուրի մօտ վրան խփեց: Յանկարծ Շահ-Իսմայէլն քնչ տեսաւ, Արաբ-Իւզանկին, մի սև ձիու վրայ նստած, ահագին լախտը ձեռքին, փրփրած առիւծի նման, աջ ու ձախ կոտորում է թշնամուն: Այս բանը տեսնելով դողաց, տեղից վեր կենալով իսկոյն գնաց զօրապետի մօտ և ասաց. «Տէր իմ, խնդրում եմ ինձ թոյլ տաս Արաբ-Իւզանկու հետ մենակ կուռելու: Զօրապետը ծիծաղելով պատասխանեց. «կորիք այտեղից, քաջալ լախտ, այնքան կտրիչ տղամարդիկ չկարողացան լաղթել, դու ես ուզում հիմայ նրա դէմ մենակ դուրս գալով լաղթել: Զօրապետը Շահ-Իսմայէլի անչափ խնդիրները լարգելով, թոյլ տուեց մենակ Արաբի դէմ կուռելու: Ձին հեծաւ, սուրը աջ ձեռքը բռնելով, վահանը ձախ, վաղեց արաբի

տան առաջ, այնպէս մի գոռիւն գոչիւն հանեց ու աղաղակ քարձրացրեց, որ Արաբի վրայ մի անսպասելի սարսափ թողեց: Արաբ-Իւզանիին դառնալով Գիւլիէրիին և Գիւլիզարին ասաց. «աղջիկներ, ես այսպիսի մի ձայն Շահ-Իսմայէլից լսեցի առաջին անգամ, երբ իմ դէմ ելնելով յաղթեց: Ահա երկրորդ անգամն է, որ նոյն ձայնը յուժ եմ. վախենում եմ թէ յաղթուիմ այս տղամարդուց»: Այս խօսքերն աւարտելուց յետոյ, անմիջապէս ձին նստելով դուրս թռաւ և մտաւ կռուի ասպարէզը: Առաւօտից մինչև երեկոյ կռուեցին, բայց ոչ մէկը միւսին չկարողացաւ յաղթել: Շահ-Իսմայէլը, ի հարկէ Արաբին ճանաչելով, չէր ուզում նրան յաղթել միևնոյն ժամանակ զգուշ էր մնում նրանից մի վնաս ստանալուց: Արաբը, որ չէր ճանաչում թէ ում հետ էր կռուում, ամեն կերպ աշխատում էր յաղթել այդ յանդուգն հովիւտղային: Շահ-Իսմայէլը հաստատ տղամարդու պէս էր կատարում իւր դերը: Վերջապէս՝ երբ մոլթն ընկաւ, կռիւը դադար առաւ, Շահ-Իսմայէլը դարձաւ իւր վրանը, իսկ Արաբը քաշուեց իւր բնակարանը: Թագաւորը լսելով մի անձանօթ հովուի քաջագործութիւնը Արաբի դէմ, հրամայեց որ շուտով իրան ներկայացնեն այդ կտրիչ տղամարդին: Շահ-Իսմայէլը ներկայացաւ թագաւորին, երբ որ արքայի առաջն եկաւ, եօթն անգամ զետին խոնարհուելով ձեռքերը կուրծքին դրած կանգնեց: Իսկ թագաւորը նրան գովելով ասաց. «ապրիս որդիս, ապրիս, լսեցի շատ լաւ ես կռուել այդ արիւնարբու արաբի հետ»: Շահ-Իսմայէլը պատասխանեց. «Թագաւորն ապրած կենայ, կռուեցի բայց իմ ոչ ձին է պատերազմի յարմար և ոչ զէնքերը: Թագաւորն ասաց. «գնա ձիանոց որ ձին որ կհաւնիս, վեր առ և զինարանը որ զէնքերը կուզես վերցրու քեզ: Շահ-Իսմայէլը մտնելով հանդերձատունը մի ձեռք զեղեցիկ հանդերձ հագաւ, յետոյ գնաց զինարանը և իւր իսկական զէնքերը պատից վայր առնելով պատրաստուեց, այդտեղից դուրս գալով մտաւ ախոռատունը.

Շահ-Իսմայէլի ոտնաձայնը լսելով նրա ձին Ղամարը, կարծես հասկացաւ օտարականի ով լինելը, խրխնջաց, ուրախացաւ խելացի կենդանին ճանաչեց իւր տիրոջը, որ կորցրել էր նրան: Շահ-Իսմայէլը արտասուելով ընդունեց իւր սիրելի ձին, շուրջ նրա բաշը, իւր ձեռքով թամբեց և դուրս քաշելով թռաւ նստեց վրան: Ախոռապետը և ներկայ եղողները շտապելով թագաւորի մօտ՝ ասացին. «Արքա՛ տէր, այն կտրիչ երիտասարդը Շահ-Իսմայէլի շորերին, զէնքերին և ձիուն հաւանեց»: Թագաւորը պատասխանեց. «Ի հարկէ կտրիչ մարդը կտրիչի էլ զէնքերին ու ձիուն կհաւանի»: Բայց ներկայ եղողները կասկածանքով խօսում էին թէ՛ այս մարդը Շահ-Իսմայէլը կլինի: Շատերն էլ ասում էին չի կարող այդպիսի բան լինել, նրան կուրացրին, մէկ էլ որ նրա աչքերը սև էին և շիտակ իսկ սրանը խայտեաշ են և մի քիչ էլ շիւ: Շահ-Իսմայէլը զօրապետից խնդրեց, որ իրա համար մի առանձին վրան խփել տայ արաբի տան մօտ, որպէս զի երեկուայ կռուից վախենալով զիշերը չկարողանայ փախչել: Այդպէս էլ արին: Կէս գիշերին արաբը տանից դուրս ելաւ՝ տեսնելու տան դուռթիւնը: Տեսաւ որ իրա դռան առաջ մի վրան է խփած, վրանի դռանն էլ մի տղամարդ է ման գալիս, վագեց արաբը սենեակից իւր փոքրիկ արծաթապատ սազը բերեց, տեսնենք թիւն է երգում իւր ախոյեանին և նա թիւն է պատասխանում:

Ա Ր Ա Բ Ը.

Շուտով կլինիս խայտառակ,
Անմիտ գոռոզ անպարտաւան,
Առանց ձայնի զիշեր ժամանակ,
Դուրս ես պրծել գողի նման:

Շ Ա Հ-Ի Ս Մ Ա Յ Ե Լ Ը

Հաւատացիր, ես գոռոզ չեմ,
Եկել եմ քեզի տեսութեան,

Ինձ մի կարծիր դու անխոհեմ,
Ոչ էլ անմիտ ինքնահաւան:

Ա Ր Ա Ք Ը.

Ինչքան կտրիչ երիտասարդ,
Ինձանից կրել են մեծ ջարդ,
Իմ սրից բիւր հազար մարդ,
Իջել են սառը գերեզման:

Շ Ա Հ - Ի Ս Մ Ա Յ Է Լ Ը.

Մօտ արի երեսդ տեսնեմ,
Սրտիս սէրը քեզի յանձնեմ,
Պռուշով ասպարէզ մտնեմ,
Ինչպէս առիւծ, ցոյց տամ նշան:

Ա Ր Ա Ք Ը.

Լսիր կտրիչ, լսիր ինձի,
Փախիր, խնայում եմ քեզի,
Մեռցրել եմ անթիւ հոգի,
Տես անհամար դիակներ կան:

Շ Ա Հ - Ի Ս Մ Ա Յ Է Լ Ը.

Դու ինձ երկիւղ չես կարող տալ,
Ամեն քամուց ես չեմ դողալ,
Կը մեռնեմ յետ չեմ գնալ,
Սրտիս մէջ արել եմ պայման:

Ա Ր Ա Ք Ը.

Կռուի դաշտում դու անընտել,
Թռչունի պէս ճանկս ես ընկել,
Իմ անունս չէիր լսել,
Դողացրի ողջ Հնդկաստան:

Շ Ա Հ - Ի Ս Մ Ա Յ Է Լ Ը.

Պատերազմին տալով դադար,
Ընկերներիդ բարի լուր տար,
Հազար օփսոս ինձի համար,
Ուշ գտայ աչքիս դարման:

Արաբ-Իւզգանկին այս խօսքերից իսկոյն հասկացաւ, որ իւր զօրեղ հակառակորդը իւր սիրելի Շահ-Իսմայէլն է, մի բարձր ձայն արձակելով ասաց—«աղջիկներ դուրս արէք, որ մեր տէրն եկել է»: Գիւլփէրին և Գիւլիզարը այդ անսպասելի լուրն առնելով շնչասպառ դուրս ընկան: Շահ-Իսմայէլի թևերն ընկնելով, ուրախ ուրախ վեր բարձրացրին իրանց սենեակը: Երկար ժամանակ փաթաթուելով պարանոցով չէին ուզում բաժանուիլ: Այդ բանը երազ էր թուում նրանց: Մի քիչ հանգստանալուց յետոյ Արաբ-Իւզգանկին ասաց.—«Տէր իմ, այժմ երկար խօսելու ժամանակ չէ, վեր կաց շուտով գնա, թող ոչ ոք չիմանայ քո այստեղ գալը, գիտեմ որ թագաւոր հայրդ վաղը քեզ կը կանչէ ու կասէ, քեզ ամեն բանով կբաւականացնեմ, եթէ այդ Արաբին սպանես»: Դու էլ համաձայնութիւն կուտաս: Կը գաս մի լախա խփելով ինձ ձիուց վար կձգես ու չոքելով, իբր կուզես ինձ սպանել. բայց այդ ժամանակ կը կանչես հօրդ և կասես. «Ահա քու թշնամին, Արքայ հայր, արի քու ձեռքովդ գլուխը կտրիր»: Հէնց որ նա ինձ մօտ կգայ դու հեռացիր, ես վեր կենալով նրան իմ սրով ուղիղ երկու կէս կանեմ: Այսպիսի պայման կապեցին, յետոյ բաժանուեցին միմեանցից:

Առաւօտ էր, արշալոյսը բացուելով, արեգակն սկսեց իւր պայծառ լոյսը հաւասարապէս բաժանել աշխարհի վերայ: Ամեն մարդ քնից զարթնելով սկսել էր Աստուծոյ փառաբանել և իւր գործին գնալ: Գեղեցիկ թռչունները ձագերի հետ բուններից դուրս գալով, օդի մէջ սաւառնելով, սկսեցին իրանց ներդաշնակ երգեցողութիւնը: Այդ ժամանակ թագաւորը տեղից վեր կենալով, առաւօտեան տան շորերով, մարդ ուղարկեց Շահ-Իսմայէլին կանչեց իւր մօտ: Ուզելով շուտ կատարել իւր վատ ցանկութիւնները, կանչել տուեց Շահ-Իսմայէլին և ասաց.—«որդիս, այսօր կաշխատես անպատճառ յաղթել այդ անզգամ Արաբին. մի խօսքով, նրա գլուխը այսօր քեզանից կուզեմ: Շահ-Իսմայէլը պատասխանեց. «չատ լաւ կլինի, Տէր իմ»: Այդտեղից թագաւորի և մեծամեծների հետ եկաւ կռուի ասպարէզը. երբ որ Շահ-Իսմայէլը իւր գեղեցիկ շորերով Ղամար ձիու վրայ նստած վազեց դէպի Ա.


րաբը, բոլոր ժողովուրդը և մեծամեծները, բացի թագա-
 ւորից, սկսեցին իրար ականջից փսփսալ. սա անպատճառ
 ԾաՏ-Իսմայէլն է: Սկսուեց պատերազմը, թագաւորը հեռու
 նստած իւր վեզիրի և մեծամեծների հետ մտիկ էր տալիս
 այս հետաքրքիր հանդիսին: ԾաՏ-Իսմայէլը իւր ծանր լախ-
 տը մէկ այս կողմ, մէկ այն կողմ շարժելով, մի այնպիսի հարուած
 հասցրեց Արաբին, որ նրան ձիուց գլորեց ցած: Ինքն էլ
 շտապով ձիուց թռչելով՝ չոքեց Արաբի կրծքին. թագաւորը
 Արաբի գետին գլորուելը տեսնելով, ուրախութիւնից սկսեց
 ծափ զարկել ու բացազանչութիւններ անել Վեցցէ կորիչս,
 կեցցէ քաջ ասպետս: ԾաՏ-Իսմայէլն, ինչպէս պայման էին
 արել, թագաւորին հրաւիրելով ասաց. «Տէր իմ, եկ քու
 ձեռքովդ թշնամուդ գլուխը կտրիր. թագաւորը չափազանց ու-
 բախութիւնից խելքը կորցրածի նման, սուրը պատեանից հանեց
 և վազեց դէպի Արաբը: Երբ գազանի պէս յարձակուեց դէպի գե-
 տին տարածուած Արաբը, ԾաՏ-Իսմայէլը մի կողմ քաշուեց. Ա-
 րաբը առիւծի նման կատաղած մանչաց, վեր թռաւ ու իւր երկու
 հարիւր լորանոց լախտով այնպիսի մի հարուած հասցրեց
 նրա գլխին, որ բժժեց ու պտոյտ գալով փռուեց գետին:
 Անմիջապէս հանելով սուրը մէջքից ուղիղ երկու կէս արաւ
 լիրը ու անբարտաւան մարդուն: Ասլան թագաւորն իւր դի-
 ւական հոգին աւանդեց: Այդ նշանաւոր դէպքից, ներկայ
 եղող ժողովուրդն ու պալատականները, որոնք արդէն հաս-
 կացել էին քաջի ով լինելը, կեցցէներով ու ցնծագին ազա-
 ղակներով յայտնեցին իրանց շնորհակալութիւնը: Սմբողջ Ղան-
 դահարը դադուել էր Ասլան թագաւորի ձեռքից ու խորո-
 վուել նրա գործերից: Ազատուած այդ ամենից, Վեցցէ ԾաՏ-
 Իսմայէլ, կեցցէ մեր նոր թագաւորը՝ գոռալով ու բղաւելով,
 ձեռքերի վերայ բարձրացրած տարան հօր գահի վերայ բազ-
 մեցրին: ԾաՏ Իսմայէլը չթողեց որ հայրը նախատինքների
 արժանանայ, ինչքան որ չլինի, հայրն է, արժանաւոր կեր-
 պով թաղել տուեց նրան իւր պապերի շիրիմների կողքին:
 Մի քանի օր սուգ պահելուց լետոյ սկսեց հարսանեաց պատ-
 րաստութիւնը, քառասուն օր և քառասուն գիշեր հարսա-
 նիք անելուց լետոյ, հասան իրանց մուրազին և ապրեցին
 մինչև խորին ճերութիւն.

-800-

ՀՀ Ազգային գրադարան



NL1656377



Վերջին անգամ հրատարակված է

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի 1901 թ. հունիսի 10

Թիֆլիսի

Թիֆլիսի 1901 թ. հունիսի 10

Թիֆլիսի 1901 թ. հունիսի 10